


BAHIBURI, UNTU

GWABUHANO-NA-BUBILI ²

 Akusaye ugwe! Une ngwinogona, icyākwan̄da, uswe tulinako akāna akanini apa, Doc ambūlile une itolo amaminiti manini aga gakīndīle, unūguna gwāngu, unkundwe mu mbili, uyu ālōndāga. . . āli kuli bupagulilīgwe. Kangi lilino linga abakūndwe bala balinato utunini utwāna twābo utu abēne bikulōnda ukupāgulīla kwa Ntwa, uswe twisakuya basangalufu ukuya na bēne lululu ulu ukwīsa, ukutwāla abānini bābo kuno.

²³⁹ Lilino, kangi bāndu balinga, abēne, iki abēne bikukikōlela, ukōsya abēne. Ikipanga kya Methodisti kubomba, kangi Une ngwitika aba Nazarene. Une ngaya nsinsimikisiyi. Umma. Une ngwinogona ikyo kyo iki abēne bāyabanikepo apo, pāli pa lōsyo lwa bāna, aba Nazarene na ba Free Methodisti. Lōli, mulimōsa, bamo mwa bēne, abēne bikubōmba ikindu kimokyēne kangi ikīngi. Lōli, kangi bamo mwa bēne bikōnelela utwisi utunili pa bēne. Bamo bikubanyāfila abēne. Kangi, lōli uswe akabalilo kōsa tukugela ukusyāla itolo kifuki ku i Bāngéli mūmo uswe tumanyilo injila yāke. Lilino, likayapo nalimo i Lisimbo mu li Bāngéli ukuti umwāna anyafiligwēge, pōpe likayapo i Lisimbo mu li Bāngéli umūndu aligwēsa ukunyāfiligwa. Ikyēne kikaya kīndu Kyammasimbo mma. Ubwēne lu bulagili bwa Kipanga kya Katolika.

²⁴⁰ Lōli abēne—lōli abēne bikubōmba, bātwele. . . Abēne nalōli babatwēle abana banini kwa Yeso. Kangi—kangi uswe tubagile ukumwimilila Umwēne. Uswe tukulonda ukubomba ikindu kilakila iki Umwēne aabombile. Umwēne ābikile amaboko Gāke pa bēne nu—nukubasaya abēne, nukuyoba, “Baleka abāna abanini bīse kwa Une, kangi ukubakānisiyaga abēne mma, kabuno u luko ulu lo Kitangalala kya ku Mwan̄ya.” Kangi ikyo kyo iki uswe tukukīndilila ukubōmba pa kipānga iki, bo uswe tukugela ukukīndilisa nkyēni i Bāngéli lyanaloliloli, injila ingemesigwe, ikinunu ukukinda iki uswe tumenye injila yāke.

²⁴¹ Popāpo lilino, linga u māma yula, pamo u māma aligwēsa bali nabo abāna abanini bābo ukuya bapāguliligwe, akabalilo kākō Kalumbu Gertie ikukuba *Batwāla Abēne Nkati*, fiki, umwe batwāla abēne ku kigemo. Nkundwe na une tukwīsāga pāsi nukupāgulīla abanini abo kwa Ntwa. Umma ndaga.

Nkundwe Neville. . . [Ubuyo busitakandu pa tepi—Nsimbi.]

²⁴² Ndaga ugwe, Kalumbu Gertie. Ikyo kyo kinunu fiyo. Balinga babaganīle abāna abanini? Linga ugwe ukubagana, kilipo ikindukimo kisobi na ugwe, kilipo ikindukimo kisobi.

243 Lilino, ikilo iki, lilino ukubūka nkati mwa bulūmbililo bōsa. Uswe. . . inongwa iyi une nisile kuno kangi ikilo iki. Utubalilo twīngi limo mwa masiku aga akabalilo kāko uswe tuli nu mbombelo sya bubūmbulusi, une itolo ngwēga kifuki ilisiku limo, panongwa yakuti ikyēne kikūmba une ukusenyenda kwa luko lumo. Ugwe utikukimanyamo siku ikyēne. Kangi apa ku kāya ko kabili-kosa ukuya kibībi bo kulikōsa ukūngi.

244 Kangi une nilāmbaga panongwa ya kutēndēka ubusobi bwa luko lumo mūmo une nābōmbīle ni kyēne ulubūnju ulu. Lōli ikindu kyākwānda iki kyālifulugēne une, kyāli akabalilo kāko Billy ikwīsa ukumbula une ukuti umwēne ātolīgwe ukubāga abāndu abakufwāna ukuyabania amakadi ga lwīpūto. Umwēne abagīle itolo ukuyabānia kifuki kalongo na mabili pamo kalongo na mana. Kangi umwene ali. . . Nayumo alōnda amakadi ga lwīpūto. Une ngusakikisya kilikyosa kyali kanunu mōsa. Popāpo lēlo, muli ikyo, une ngalinogwinemo siku. . . Kangi polēlo akabalilo kāko une nālyāndīle ukukōlēla amakadi ga lwīpūto gala, une ninogonaga ukuti une ngubagaga bōsa kalongo pamo kalongo na babili, pamo kilikyosa iki kikuyaga nkati muno. Ndinkubakōlēla abēne kuno. Une ndikuya ni mbalilo yimo, ikindukimo, kangi ikyēne kilinkutoligwa ukukōlēla. Kangi une nākōlīle. Iyēne yilinkusita kwāmūla. Kangi une ngalinogwinemo siku isya ikyēne mpaka Nka. Wood ālingōlīle une kuno. Umwēne alinkuti, “Nkundwe Branham, Billu ikwēga amakadi gala nukugafulugania agēne palikimo, kangi itolo ikuyabania agēne mōsa. Umwēne ābagīle ukuti āli ni mbalilo yabutatu,” (bule ikyēne?) “mbalilo yabutatu mu nyāmbi yāke.”

245 Nalōli, umwēne utubalilo twīngi ikuyabania gōsa malongo mahano. Akabalilo kāko umwēne ukutwāla agēne pankyēni pa bāndu, umwēne itolo ikufulugania agēne mōsa. Popāpo aligwēsa. . . Ikyēne kyo kukaya kuyoba, “Mbapo une mbalilo yakwanda.” Pamo, uswe lumo tutikwānda mbalilo yakwanda. Uswe tubagīle ukwānda pa mbalilo malongo mahano, ugwe ukamanya, nukugomokela. Uswe tubagīle ukwānda pa lwēle nukukīndilila kula. Tubagīle ukwānda pa malongo mabili nukukīndilila. Uswe tutikumanya. Lōli umwe itolo ikufulugania agēne mōsa nukuyabania agēne ku bāndu mūmo abēne bikulōndēla. Kangi une, kisita kwīnogona ulubūnju ulu, une nabagīle ukuti nākōlīle bana pamo bahano ukongelelāpo, kangi abēne angali bakayamo nkati muno, ’nongwa yakuti ikyēne lumo kyāli kubutalu kula mmakalongo manili pamo mmalongo matatu pamo, umwe muketile. Kangi, polelo, lōli u Ntwa alinkukitēndekēsya ikyēne mōsa, lōli ikyēne itolo kitikuya ni—ni bugute bwanaloliloli ku kyēne, bo mūmo ikyēne kikubōmbēla kubutali na kukāya. Une lumo ndisakugelamo siki ikyēne—ukugelamo ikyēne.

246 Lōli, apa pakaya patali mma, une nalinsūmīle u Ntwa linga Umwēne ābagīle ukutupa uswe ulukomano ulununu, ukuti une

nāfingile ukuti une—une ngabagile ukunsumamo Umwēne ikyo kangi mma, panongwa yakuti ikyēne kyo kindu kimo kikafu. Kangi ikyene kyo kikindene Lisimbo. Muketile? Kangi linga ugwe. . . Ikyo kyo iki kikupela ikyene ukuya pa une. Panongwa yakuti, mmenye ikyo, ikyēne kikūmba une u—u buponjologwe, ukwānda itolo. Muketile? Une mbonjologwe, ukwanda itolo.

247 Lōli, umundu yumo ālinkōlile umundu yumo amayolo aga. Nka. Wood ākōleligwe nu mūndu yumo. Kangi alinkuti, ukuti, “Umunduyumo nkipanga iki ākōleligwe ulubunju ulu, isya nnyambala yumo uyu āli fiyo, fiyo mbine, uyu ālisile kwa Kristi amayolo aga, ukufuma pala.” Ukuti u—u nnyāmbala uyu āli mbine fiyo āpindikile kwa Kristi.

248 Kangi ikindu ikingi, Nka. Wood ālimbulile une ukuti une nāyobile ku lilumbu gwāke, ulilumbu gwāke unkulumba, ukuti une naloli nāli mu nyūmba yāke ilisiku limo nukulya ifyakulya nu mwēne, pamo ifyabugonelo nu mwēne, kula mu Kentucky. Kangi Gwamakagosa Kyala amenye ukuti une ngalimwāgénie unkikulu yula. Muketile? Uko ko kutalusya. Itolo. . . Imboniboni syo silipasyēne. Uswe tukamanyamo siku mūmo isyēne sikubukilaga pamo iki kikuyaga pakuboneka. Ikyēne kyo kili kwa Kyāla, kangi iki—iki kikuboneka. Lōli une naloli nāménye, mukubagūlila abēne, ukugūlila kuli kula.

249 Kangi ilisiku ilingi akabalilo undindwana unnini uyu āli nkati mula, uyu ābagile ukuya nu kumanyila-ngāni, iki une, komma. . . Muketile, linga Kyāla āpāga kila ku kīsu kyōsa, ikyēne angali kikuya kinunu; lōli linga ikyēne kyāli, ikyēne kyāli kubutali fiyo na ikyo Umwēne ālimbūlile une ukukilania ulukīndi apa, umwe muketile, ifyinja finini ifi fikīndilepo. Kangi uswe twālōndāga ukuya basisimikisyi kila kyāli kitalusye, kangi ukukileka ikipānga, ukuya ikyēne kyāli apa, kikibonene ikyēne. Kangi polelo une ndinkunkōléla yula Nka. Snyder. Kalumbu Snyder. Umwēne ali apa pamo apo. Umwēne ali itolo panini nkafu ukupilika. Kangi u nkīkūlu unnini yula āyobāga ikyēne pāsipo, kangi alinkuti, “Ugwe uli nu kupōsa mu mbili,” pamo imbungo ya fifupa, ikindukimo bo kila.

250 Uyu, une namenye ikyene gwāli nsana unkonyoke. Kangi polelo, u Mbepo Mwikemo atwele kila ulubunju ulu. Muketile?

251 Lilino, iki kyo fiki, ikyēne kyo kyabupe i Kyamwakyala, kangi ikyēne kikubōmba mu bwibwēne bwāke. Lōli iki kikupela ikyene ukuya kikafu fiyo apa nkaya, ukuyoba ubwanaloli, une—une ngufika pakwitabania, akabalilo kōsa, mu kwīputila ababine apa. Pamo—pamo. . . une ngubūkāga, babūla abāndu iki. Une ngubūkāga, nguyoba, “Lilino u Ntwa akupelile ugwe uyege kanunu. Yeso ākubūmbulwīsyē ugwe akabalilo kāko Umwēne ākufwīlile ugwe, ifyinja elifu yumo na bamia lwele na limo ifi fikīndilepo. Kulakula kula ugwe gwābumbulusīgwe. Lilino, mūmo Kyāla ayilile, mūmo Kristi

ayilile, ugwe gwābūmbulusigwe, ifyinja elifu yumo na bamia lwele na yumo ifi fikindilepo. Imbungo yāko uākīndīle. Ikyēne kikwēgēla ulwītīko ukubōmba ikyēne.”

252 Kangi polelo u mūndu yula abagīle ukusyungutila kangi nukusita ukuya kanunu. Polelo umundu ikwisa ukusyungutila, ikuyoba, “Nkundwe Branham aalimbulile une nāli kanunu.” Muketile? Une ngubabula umwe isi Kyala aayobile.

253 Lilino, akabalilo kāko ikyene kiyobīgwe nukutalula ku mūndu, nukutalula, “Ikyene kyo ISI SYO IKUTI UNTWA,” pa kindu kimo iki kisakubonekaga pa buyo. Ikyo kisakusisimikisya palapala pala ukuti ulubūmbulūsyō lwāko lutalile lususimikisigwe. U lwītīko lwāko lufūngīle ikyēne. Muketile? Ulufingo lo lwako. Ikyene kikaya lisyu lyangu. Ikyene kyo Lisyu lya Kyala, ukuti ugwe utalile ubumbulusigwe. Muketile? Lōli ugwe itolo...Munjila yimi iyingi, une—une ngutoligwa ukukupela ikyēne kiyubisigwe nkati, ku bāndu apa mu Jeffersonville. Une—une ngutoligwa itolo ukukupela ikyēne ukuboneka. Une mmenye. Une ngugelaga ukulīngānia ikyo itolo nubununu mūme une mbagīle. Ikyo kyo kyōsa. Une nguyōba... .

254 Apa, pakaya patali mma, une nābūkīle ku kāya, ku nnyāmbāla yumo, kangi u nnyāmbāla yula āfwāga. Kangi abene balinkungolela une, “Isaga, usamwīputīle umwēne. U dokotala ātīle umwēne akābagīle ukuya mūmi mpaka nubūnju.”

255 Une ndinkwīngīla nkati. Kangi u nnyāmbala unkeke yula alinkuyoba kwa une, “Tata. Branham, une ndinkulōnda ukufwa.” Fiki, u mwinitu unkeke yula akāli. Umwēne āli na kāya ka bāna babili kula.

256 Ena, une ndinkusuluka pāsi. Une ndinkuti, “Lilino, keta, ywani ngānga gwāko?” Umwene aalimbulile une. Une ndinkuti, “Lilino, u dokotala abagile ukuyoba ukutu ugwe gwāli—ugwe gwāyāga pakufwa, lōli Kyāla akāli akayōba tāsi ukuti ugwe kuyaga pakufwa.” Une ndinkuti, “Lilino, ukufwana ni Libangeli, ugwe uli bumbulusigwaga, kabuno Yeso aafwile panongwa ya bubumbulusyo.”

257 Umwene alinkuti, “Ngimba umwe mukwitika ukuti une ngubuka kanunu?”

258 Une ndinkuti, “Une naloliloli ngwitika ikyene.”

259 Ena, linga une naabuukile pakwiiputila u muundu, kangi une ngaaboombile uluko lula ulwa lwiitiko, ukwitikila umweene; linga une ngubuuka, “O, umma, umma, linga u ngaanga aayobiile ugwe kuyaga pakufwa, ugwe gwaayaga pakufwa. Ikyo kyo kikumasya inongwa lilino.” Lilino, ngimba uyo atikuyaga muundu yumo ugwaakwiisa ukwiiputila ababine? Une ngabagila ukudonda u muundu gwa luko ulo mu nyumba yangu, ukunyiiputila une. Une ngulonda u munduyumo uyu, pope nalinga umweene akaakibwene ikyeene, pamo mma,

umweene aabagiile ukweega ulwiitiko nukwiima pa fingo kuli une. Uko ko kotalusya. Kangi une une ndinkuti. . . umweene. . .

260 Uswe tulinkubuuka nukuya nu lwiipuuti. Une ndinkuti, “Lilino yaga nu bukifu ubununu.”

261 Umweene alinkuti, “Ngimba ugwe kusanusya ukuti une nguyaga kanunu?”

262 Une ndinkuti, “Fiki, nalloli. i Lisyu lya Kyaala lyaayobile ugwe kuyaga kanunu. Muketile, ‘Linga ugwe ubagiile ukwitika, ifindu fyooosa fibagiile.’”

263 Umwene alinkuti, “Umma ndaga, une ngwitika Ikyene.” Kangi ndinkusooka panja nukuyoba ku nkasi gwake ukuti. . .

264 “Unnyambala yula ikufwa, bule umweene?”

265 “Ena, umweene ikufwa.” Kangi ilisiku lya kilabo, unnyambala yula alinkufwa, pamo amasiku mabili ukufuma pala.

266 Polelo unkiikulu uyu ikubuuka panja nukwaanda ukunwa nukwendendeka. Kangi yumo mwa bakulumba bakipanga, une ngusubila umweene aali, ugwa kipanga, alinkubuuka ku nkiikulu nukunsuuma umweene ukuti agomokele ku kipanga. Umweene alinkuti, “Une ngabagila ukwitika aligwesa. Undumbilili Branham isile muno nukwiiputula undume gwaangu, alinkuti umweene ikuyaga nu buumi, kangi umweene aafwiile mmasiku mabili pamo matatu ukufuma pala. Popapo une ngabagila ukwiitika.” Lilino *umwene* ikufwa. Umma ndaga.

267 Loli, looli, umwe muketile, ikyeene kikubuuka itolo ukunaangisya ukuti abaandu batikupilikisya ku iki ugwe kuyoba. Muketile? Naloliloli. Linga une naalipuutile u muundu, kangi une—une ngubabūla abāndu bala abēne bikuyaga būmi. Une ngwitika abēne bikuyaga būmi. Lōli, kali, linga ilisyu lyāngu lyāli lōsa ISI SYO IKUTI U NTWA, kangi ugwe kulilāmwāga Ilyēne, ugwe kufwaga, mulimōsa. Naloliloli. *Apa* alipo ISI SYO IKUTI U NTWA, kangi bīngi ba bēne bikwāmbilila Ikyēne nukufwa. Bīngi ba abene bikubuka ku gehena, akabalilo kako, ISI SYO IKUTI U NTWA, “Ugwe ukaya nakyo.” Ngimba ikyo ko kotalusya? Naloli. Muketile? Ikyēne kyo iki. . . Ikyēne kyo kyōsa kyāligwe pa lwītiko.

268 Nkundwe Collins, une ndikwīnogóna umwēne ali nkati ikilo iki. Lōli bo ngumpilika umwēne ulubūnju ulu, umwēne ātwéle ubuyobi ubukifu fiyo ulubūnju ulu pa ikyo. Muketile? Muketile? Umwēne ābōmbīle. Umwēne āyobīle, “Lilino, u lwītiko lulalula ulu umwe muli nalo apa, umwe mukuyaga pakuya nalo panja pala. Panongwa yakuti, ulwene lo lwitiko lwako gwimwene, komma mu kipanga-kipāguke kyako, loli mwa Kristi. Ugwe kufimbilisigwa ukuya nu lwitiko lula.” Ikyo kyo katikati kotalusya. Naloliloli.

269 Kangi ulubūmbulusyo Lwamwakyala lwāligwe pa lwītiko lwāko. Loli ukufwana ni Lisyu lya Kyala, ISI SYO IKUTI U NTWA, ukuti umundu aligwesa abumbulusigwe akabalilo kako Yeso Kalvari, “Umwene afulasigwe panongwa ya ngilanio syitu, ni fulale Syake uswe *twāli* twagangwike.” Isyo kotalusya? Uswe *twāli*. I Bāng’le lyāyobīle, “Ugwe gwabūmbulusigwe.” Popēlo komma ukwaga ubusobi na une, une ne itolo ndūmbilīli gwa Lisyu. Ugwe būka kambūle Kyāla ukuti Umwēne āyobīle ikindikimo ikisobi, kangi Kyāla isakukubūla ugwe kūko ubōnywa bwāko buliko lēlo. Muketile? Polelo, ulwene lo lwitiko lwāko. Yeso aayobile, “Linga ugwe ubagiile ukwitika. Linga ugwe ubagiile ukwitika.”

270 Lilino, akabalilo kāko ugwe kupilika Mbepo Mwīkemo asisimikīsyē u lwītiko lwāko nukūmisya ulwēne pāsī, kangi alinkuti, “ISI SYO IKUTI U NTWA, ‘Kilabo pa kabalilo *kākutikākuti*, ugwe kwīsakuya ni kindu *kyākutikyākuti*. Ikindu *kyākutikyākuti* kisakubonekaga pa buyo. Ikyēne kisakuyaga apa mu njila *yākutiyākuti*, kangi ugwe kwisakwāgāna ni kindu *kyākutikyākuti* apa. Ikyo kisakuyaga kimanyilo kya ugwe.” Lilino, kētēsya ikyo. Iyo yo mbombo immalisigwe, papapa apa lilino.

271 Lōli akabalilo kāko ikyēne kikwīsa kukuyoba ulubūmbulusyo Lwamwakyāla, une ngufimbilisigwa ukubīka ulubūmbulusyo Lwamwakyāla pa lwālo ulufwanefwane, ulwa luko lula, bo bu bupoki. Aligwēsa gwa umwe, kali mubōmbīle fiki, umwe mupokīgwe ukufuma pāpo Yeso āfwīle, panongwa yakuti Umwene aafwile ukwēga ubōnāngi bwa kisu. Lōli ubwēne butisakukubōmbēla ugwe ubununu bumo mpaka ugwe pagwīmwenē kwitikisya ubwēne nukwēndelāmo ubwēne. Lōli akabalilo kōsa imbībī syāko siyilile, isyēne sihobokelīgwe. Uko ko kotalusya. Umwene. . . “Keta Kang’osi gwa Kyala uyu ikusoosya imbibi sya nkisu.” Muketile? Mwaketa lelo umwe. Lilino kumbukilaga ikyo.

272 Lilino, une mmenye ukuti mu kumanyisya, mu Masimbo, uswe twe kilūndīlo ikifuluganikane. Kangi utubalilo twīngi, mwa Būku uyu gwa Bahiburi, uyu yo fiyofiyi Būku unsolofu. . . une nguyaga pakundekāga umwēne pakabalilo lilino. Une ngugelaga ukumālīsyā ikiyabo ikya bumalikisyo bwa untu gula gwa 7.

273 Kangi lilino galipo amalālūsyō mingi mu linogono lyīnu, kisita kwilāmwa. Bīngi ba umwe muli na malālūsyō, nanīne ndinago, nīne. Lilino, akabalilo akāngi, u Ntwa itikisyēge, akabalilo kāne une ngwisa muno. . .

274 Une ngubūka ku Michigan lilino. Kangi polelo, ukufuma ku Michigan, une ngubūka ku Colorado. Kangi ukufuma ku Colorado, ukubūka ku Kiloboko kya Bwingil’ilusuba. Lilino–lilino, akabalilo kako uswe tukwīngilamo, u Ntwa

itikisyēge... Lilino, une ngamanya. Linga une ndikuya mu Chicago, Pandungu, une lumu ngugomokelaga apa Pandungu ugu gukwisa nkilo.

²⁷⁵ Lilino uswe tukunkōla untimi gwītu panja pa kigemo apa ku milungu kifuki mihano na gumo, ukukīnda mōsa ifi—ifi—ifi, i Būku ili apa. Muketile? Lilino uswe... Une ngīgana mma ukubōmba ikyo. Nkundwe Neville yo nganigwa, nnoge, nkundwe gwakisa. Kangi une nsisimikīsyē ukuti ikipānga iki kinganile Nkundwe Neville.

²⁷⁶ Ukuyobapo itolo, akabalilo kāko une nguyoba, umundu yumo, muno ukusyūngutīla ikisu kubuyo bumo, atobesīgwe panongwa ya kusīmba utukalatasi, ukunsosyāpo Nkundwe Neville ukufuma pa kigemo. Ugwe kufimbilisigwaga ukuyobesania ikyo na une. Aa-ha. Uko ko kutalusya. Aa-ha. Ena, naloli. Lilino, une ngulonda ugwe... Alinkuti udia... ikindukimo ikya bakulumba ba kipanga. Abakulumba ba kipānga bakaya nakyo nakimo ikyakubōmba nu ntīmi. Umma, nkulumba. Ikilūdīlo, mbwisusye, kili na maka gōsa. Ikyēne akaya... Ikibugutīla kya bakulūmba kyo itolo basikali apa pa kipānga iki, itolo ukukyūnga ulutēngano na fyosa bo ifyo. Lōli akabalilo kāko ikyēne kikwīsa ku ndagilo, ikipānga kyōsa kikufimbilisigwa ukuyobapo. Ikipānga iki kiyēngīgwe pa bwīmīla-pa-bēne bwa kipānga ikya pabuyo. Polelo, une ngaya nakyo nakimo ikyakuyopa pa kunsosyāpo untimi uyu, pamo ukubīka yumo mula. Une ne mwenenakyo gwa nyūmba; iyēne yipēgīgwe ku kipānga. Umwe mwēsa mwe kipānga. Umwe bāndu mwe yōmwe bābo bikulagīla. Umwe mwe kipānga, mwībēne. Kangi i Kipānga, ikīkemo i Kipānga kya Kyāla kyo bwīmīla-pa-kyēne, ubwa Mbepo Mwikémo mu Kipānga kila. Kangi ikīndu kyēne une ngubōmba ko kuya mwenenakyo bwa nyūmba, ukuyīpa iyēne kula ku kipānga iki, ukuya kipēgwa ikyēne ku kipānga, kangi gukayapo nu nsongo mma. Kangi i kipānga kukusala abatīmi bābo bēne. Une ngaya nakyo nakimo ikyakubōmba ni kyēne. Kangi injila yēne untimi uyu abāgīlémo siku ukusōkāpo, kukuyaga untimi ukwīnogona pamwēne ukubūka, pamo ubwingipo bwa lusalo lwa kipānga lubagīle ukuyoba, “Andula u ntīmi.” Iyo yo njila yēne. Nakimo ikibugutīla kya bakulumba ba kipānga babagīle ukubōmba ikyēne. Ikibugutīla kya bakulumba kikukyūnga itolo ulutēngāno ni fīndu nkipānga.

²⁷⁷ Abasubiligwa, abēne bakaya nakyo nakimo ikyakubōmba ni kyēne, bikutēndekēsya itolo ikipānga. Kangi abēne bakabagīla ukubōmba ikyēne mpāka kilipo i... Ikibugutīla kyōsa ikya bakyūngufyūma kikwāgāna nukuyoba, “Uswe twisakuyēnga *iki*, pamo uswe twisakubōmba *kila*.” Polelo abēne bikufimbilisigwa ukunsuma umpayafyuma linga abēne balinasyo ihela ukubōmba ikyēne. Ena, nkulumba.

²⁷⁸ Lōli linga kulipo ukwilūmbusyo kulikōsa ukulwana nu

mbakasya aligwēsa, linga u mbakāsyā ali ni lilūmbúsyō ukulwana na yumo uyungi, pamo ikindukimo ikisobi, ugwe kufimbilisigwa ukubūka ku nkūndwe yula, gwīmwēne, nukwakuyoba ku mwēne, ugwe nu mwēne pamwībēne. Polelo linga umwēne atikukyāmbilīla icyēne, polelo ikindu ikikōnge kikubonekaga pa buyo, ugwe kwēga yumo mwa bakulumba pamo umunyu yumo, nukubūka na ugwe ku nkūndwe yula. Polelo linga umwēne atisakubāmbilīla umwe, polelo umwe isaga kiyobaga icyēne ku kipānga. Polelo linga ikipānga. . . Polelo linga umwēne atisakukyāmbilīla ikipānga, polelo i Bāngéli lyāyobīle, “Baleke abēne bayega basitakyala kangī bankisu.” Uko ko kutalusya.

²⁷⁹ Kangī umūndu aligwēsa uyu amēnya u mūndu untobesígwe, kangī ugwe utikubūka ku bēne nukubesania, poleo ugwe gwe kiyabo kya kipānga kya Kyāla iki kisakwāmūla panongwa ya butulwanongwa bula. Uko ko kutalusya.

²⁸⁰ Kangī linga u mūndu aligwesa polelo ali nu—nu lwilūmbúsyō ukulwana nu nkulumba gwa kipānga, pamo ukulwāna nu nkulumba pamo umundu yumo nkipānga, icyēne kikwēgela abāndu batatu. Abāndu batatu babagīle ukwīsa nukuyoba, ubukēte, undomo gwa babili pamo batatu abakēti. Isaga mbula untīmi ukuti bulipo ubusulumanie ukulwāna nu nkulūmba. Polelo linga bulipo ubusulumanie panongwa ya nkulūmba, unkulūmba akaya—u nnyāmbāla ungolofy, u—u nyāmbala umpelelesye. Umwēne ikufimbilisígwa ukukolela ububōmbelambombo ubwa nkulūmba, nsitakilema, kangī polelo agigwēge nsitakilema. Kangī linga ikilundilo kila kikusyāgania ukuti u nkulūmba yula atikukolelela ububombelambombo bula, umwēne ikwēga batatu nu mwēne kangī ikukyēgēla icyēne nu ntīmi. U nkulūmba ikusūmígwa ukusyāla ku kāya ukukilania ikilo kimo. Kangī polelo u ntīmi ukufuma. . . ikwīsa nukutwāla ikilundilo palikimo, ikupa ubusulumanie. Kangī linga ikilūndilo kikusala ukuti unkulūmba ukukīndililāga, u nkulūmba yula ikukīndililāga. Linga umwe ikukī-. . . kikusala ukuti unkulūmba asosigwēpo, abēne bikusala unkūmba umpya ikilo kilakila. Muketile?

²⁸¹ Polelo, nayumo umūndu yumoywene ali nakyo ikyakubōmba mu iki. Ikyēne kyo bu bwīngi bwa bāndu. Ena, nkulumba. Linga malongo mabili gakwisalīla umwēne, kangī malongo mabili na yumo bikwisalīla ukulwana nu mwēne, umwēne ikubūkāga; pamo, ukusyumbutusa. Muketile? Ikyo kokuti, ubwēne bo bwima-pa-kyēne bwa kipānga kya pa buyo kangī, polelo, aligwēsa gwa mwenekaya ali nu kuyobapo mu kipānga. Kilikyōsa kikubōmbígwa, kisobi, polelo abēne babagīle ukwīsa ukuya kanunu ukusyūngutīla, kangī ikindu kyene iki abene bikufimbilisigwa ukubomba ko kuya pankyēni pa Kyāla ukuti abēne bo lōsa ukukēta ukuti nakimo kikukwābila kunyuma ukwēnda kwa kipānga.

282 Lōli amaka amāsusye kangi amafwāne aga kipānga yo ntīmi. Bala ikyo mu li Bāngéli, kēta linga ulu lu lukaya lubātiko lwa Kipānga. Ikyo kyo katikati kotalusya. Akayapo nayumo pamwanya pa nkulumba. Une ngaya nakyo nakimo ikyākubōmba na iki Nkundwe Neville ikubōmba apa. Ikyo kyo kili kwa umwe nu Nkundwe Neville. Linga u Nkundwe Neville ālondāga ukulūmbilīla ikimanyisiyi kya Jehovah Witness, ikyo kyo kili ku mwēne na umwe. Muketile? Linga umwēne ālondāga ukulūmbilīla kalikōsa umwēne ālondāga, ikyo kyo pakati pa umwe nu mwēne. Ikyo kyo kyōsa. Līnga ikilūndīlo kikwisalīla umwēne mula, ukulūmbilīla kila, ikyo kyo kili kanunu. Ikyo kyo kili kwa umwēne.

283 Ikindu kyēne iki une ngubōmba, itolo ko kuya mwenenakyo gwa nyūmba iyi. Kangi linga ikindukimo ikīngi kikwīsa ukusyungutila, ukuti ikyēne kyo ngati ukusosyāpo untīmi, kangi abēne bikulōnda ukutēndēka ulusalo pa ikyo, ugwe ukabagila ukunsūma u nkulumba gwa kipānga ukubōmba ikyo. Ugwe isa unsūme une. Une mbagīle ukwisa kuno, nukuti, “Linga ugwe kulonda ukunsōsyāpo untīmi, mbula une nongwa yafiki. Ngimba umwene abombile kilikyosa?”

284 “Ena. Uswe tunkolīle umwēne, agālīle.” Pamo, “Uswe tunkolīle umwēne ikubōmba *iki*, pamo ikubōmba ikindukimo kikālī kitalusya.”

285 “Ngimba umwe muli nabo abakēti batatu ba ikyēne?”

286 “Ena. Uswe tuli nabo.”

287 Abakēti bala bikufīmbilisīgwa ukugeligwa. “Komma ukwāmbilīla ukusitaka akakulwana nu nkulūmba pene pāpo ikyēne kiyēge ukwisila mbakēti babili pamo batatu, kangi unko abēne bayege bākusisimikisīgwa tāsu; ukulwana nu nkulūmba.” Polelo ugwe kufīmbilisīgwa ukulapa pa kyēne, ukuti ugwe gwakibwēne ikyēne; nukusisimikisya ikyēne, ukuti ugwe gwākibwēne ikyēne.

288 Kangi polelo, linga ugwe gwākētīle, polelo ububībi bula bukukemelīgwa pabwēlu, ukuti, “Ikyēne kyo kisobi.” Polelo kuyoba, “Kilundilo, ngimba umwe mukulonda ukwandula untimi gwinu?”

289 Kangi linga i kilūndīlo kikusala, “Nhobokela umwēne, kangi ndeke umwēne akindililēge itolo,” iyo yo njila ikyēne kikwimilāga. Muketile? Ikyo, ngimba ikyo kikaya kigolofu? Ngimba iyo yikaya njila iyakwendekesya ikipānga? Ikyo kyo iki i Libangeli lyāyobīle. Uswe tukaya nabo aba bishopu na baketela-pamwanya, ni fibugutila na fyosa bo ifyo, bikusāmīsyā *uyu* nkati nukuya na maka mingi fiyo. Akayapo nu mundu na apa ali na maka loli u Mbepo Mwikemo. Isyo syo kotalusya. Umwene ikubomba isya kusāmīsyā. Kangi uswe tukwēga Umwēne ukuya bo bwīngi bwa bāndu, kūko abāndu bikubūka.

²⁹⁰ Kangi Polelo linga ulubafu lumu lukulonda ukubomba *iki*, kangi ulubafu ulungi lukulonda ukubomba *kila*, kangi ulubafu lula lukuponjola, ulubafu uluponjologwe, ngimba abeene bikuboombaga fiki? Ukwilungisya itolo mula na bosa ba abeene, bikuyoba, “Uswe twaali basobi, kokuti. Uswe tukubuukaga itolo nkyeeni, ’nongwa yakuti Mbepo Mwikemo ateendiike ulusalola.” Muketile? Uko ko katikati kotalusya.

²⁹¹ Ngati baDemokrati na baRepabliki, akabalilo kosa uswe tukwiima ukuya kidemokalase, ukuya baMerika. Linga baDemokrati biingile nkati, abaRepabliki babagiile ukugutaga itolo nkyeeni na beene; abaRepabliki bali nkati, abaDemokrati bikugutila nkyeeni. Muketile? Ikyo kyo katikati itolo iki kikupela uswe ukuya kisu. Akabalilo kaako uswe tukubongotola ikyo, uswe tukubongotola i demokalase. Uko ko kotalusya. AbaDemokrati bikuyoba, “Une ndikuyaga pakuboomba nakimo; abaRepabliki baali nkati.” Polelo uswe tukugwa paasi. Une ndi gwa ku Kentucky: palikimo uswe tukwiima, kangi tutapukeene uswe tukugwa.

²⁹² Lilino, linga kalipo kalikosa akasobi nkippanga aka umwe mumenyemo siku, umundu yumo pamo umundu yumo pamo kalikosa, ugwe uli pa mbombo kangi kwisakwaamula pa nkyeeni pa Kyala linga ugwe utukikipyagila ikindu kila moosa; umwe, i kipanga. Lilino, kumbukilaga, ikyeene kikaya pa fibega fyaangu mma. Ikyeene kili pa fyinu. Kangi kalikosa akasobi nkippanga, Kyala isakubapelaga umwe ukwaamula panongwa ya kyeene. Uko ko kotalusya. Iyo yo njila iyo Umweene ikwendekesya i kipanga Kyaake. Umo mo muumo ikyeene kili mwi Bangeli. Ulo lo lubaatiko lwa i Bangeli. Ubo bo bwima-pa-kyeene bwa kipanga kya pa buyo. Untimi yo ntu. Uko ko kotalusya. Ameni.

²⁹³ Lilino ukwiisa ku nsayigwa iyi, i Ndumi iyaiyolo apa. Umwe, lilino une ngulonda umwe ukumanya ikyo. Iki kikwegelelegwa pa tepi, kumbukilaga, i Ndumi iyi. Kangi inyegelelo sya tepi isya kipanga, imbaatiko ni ndagilo sya kipanaga, ikyeeni kili pa lwegelelo lwa tepi. Ikyo kyo kufwana ni Bangeli. Uswe tutikwendesya ikyeene; akayapo nayumo mu ntu. Umma. Twesa, uswe tuli bafwanefwane itolo. Loli, uswe tuli nu ndongosi, uyo yo ntiimi, akabalilo kosa aka umweene ikuloongosigwa nu Mbepo Mwikemo. Kyabwanaloli. Umma ndaga.

²⁹⁴ Lilino, nkati muno, pisakuyangapo ikilundiko kya amalaalusyo miingi. Popapo akabalilo akangi aka abeene bikutwala kuno, kangi Nkundwe Neville ikubiika pa rediyo ukuti une nguyaga apa, ugwe siimba ililaalusyo lyaako, ugwe na une tubagiile ukumana ilyeene palikimo. Bule ugwe? Umma ndaga.

²⁹⁵ Une mmenye une mmanyiisye pa lwikasyo lwa bikemo. Une mmanyisye pa Bwakyala ubwapamwanya-ukukiinda bwa Yeso. Une mmanyiisye pa buponesigwe bwa bitiki, kangi

ukusunguligwa ngaani, ukumanyila ngani, kangi fingi gya findu fila. Ifi, une mmenye, nkilundilo kyaangu balimo biingu abandagilo, iki kyo nupelelesye kili kanunu kyoosa. Loosa. Loli, lilino, ifindu, une ndi gwandagilo, nine, kangi une ndi gwa kiKalvinisti. Une itolo ngwitika ili Bāngéli. Ikyo kyo kyoosa.

²⁹⁶ Lilino, linga gamo mwa gala, amalaalusyo. Kangi une mmanyisye pa buketi, ifyakwipilika, na fyosa bo ifyo, kangi ifindu fyosa ifyo umwe mwabagiile ukusitakwitikisania. Pōpápo kimo mwa kilo ifi, lumo, unko uswe tukitēndéke iki . . .

Ngimba umwe muli mukubopela fiyo ukugomokela kuno? [Nkundwe Neville ikuyoba, “Umma.”—Nsimbi.]

Unko uswe tukitēndéke ikyēne pa Kitatu nkilo, ikilo kya Kitatu iki, polelo une—une ngwinogona une—une mbagile ukuya nako ikyo kokuti. Twāla ililālúsyo lyāko nkati Kitatu nkilo, lambalika iliyēne pamwanya apa pa kigemo, kangi ililālúsyo ukufwana ni Bāngéli, umma ndaga, isya iki une nāmanyisyá ngapo lilino. Kangi Kitatu nkilo. Kangi polelo pa Ndungu ugu gukukōnga, polelo, une ngwinogona une—une ngifimbilisigwa ukuya mu Chicago, aligwēsa. Kangi une ngubūka ukufuma kula ukubūka mu Michigan. U Ntwa ikwitikisya, une nguyaga apa pa Kitatu nkilo, ukugela ukwāmúla ililālúsyo nubununu ubukīnde ubu une mbagile. Kangi lilino u Ntwa ayege gwākisa.

Lilino unko uswe twinamisye imitu gyitu, itolo pakabalilo.

²⁹⁷ Lilino, nsayigwa Ntwa, ubu bo bukabi Bwāko ubukulumba. Ikyēne kyo kipānga Kyāko. Ikyēne yo Ugwe, Ntwa, uyu ikusāmisya, kangi uswe tukulōnda ukwēnda mūmo Mbepo gwa Kyāla ikutwēndésya uswe. Kangi uswe tukusuma lilino ukuti Ugwe kutasayaga uswe. Kangi bo uswe tukwāndisya i Ndumi iyi, kangi tukufika pāsi mu findu ifisolofu ifi, uswe tukusuma ukuti u Mbepo Mwikemo ikusetulaga ifyēne kwa uswe itolo mumo uswe tuli nukufūmbwa. Kabuno uswe tukusuma ikyene mu Ngamu Yake. Ameni.

²⁹⁸ Lilino, o, une . . . Ili i Būku lya Bahiburi, une nguligela ukuya limo lya Mabūku amakulumba.

²⁹⁹ Pitasipo panandi, ikyēne kibagile ukuya ukuti une—une ndinakyo. . . ngubūka kubukilania-nyanja, iki ikyo, linga Kyāla ikwitikisya, une ngubōmba lululu ulu. Une ngufimbilisigwa ukubūka ku Africa ukufwāna ni mboniboni. Une ngwinogona une ndisakukabamo siku fiyo mu ngomano syāngu mpaka une ngubūka ku Africa nukufwānikisya imboniboni yila. Lilino, polelo, ikyo kikuyaga lumo akabalilo kamo nkabalilo ka bulenge aka kakwisa.

³⁰⁰ Lōli pakati pa kabalilo kala, une ngulōnda ukwēga u būku yumoywēne ukongelelapo ukufuma mwa Būku gwa Bahiburi, ikyo kyo, unto gwa 11 gwa Bahiburi, nukusyāla kifuki u ndungu gumogwēne nkati muntu gwa 11 gula, nukwēga kilikyosa kimo mwa fyākubagilila pamo utuyilo tula, nukutwāla panja

ifyakubagilila fyābo. Muketile? “Nu lwītiko, Noa,” polelo ukwēga u būmi bwa Noa. “Nu lwītiko, Abraha,” polelo ukwēga u būmi bwa Abraham. “Nu lwītiko, Abelo,” polelo ukwēga u būmi bwa Abelo. Muketile? Kangi ukutwala ikyo pasi. Ngimba umwe mubagile ukulōnda ikyo? [Ikilundilo kikuyoba, “Ameni.”—Nsimbi.] O, ikyo kikuyaga, uswe tukufimbilisigwa ukwega i Libangeli polelo. Kangi polelo uswe tukugelaga ikyo, lumo, pamo nkati, tutigi, u ndungu pamo amasiku kalongo aga ngomano, itolo ulukomano lumolwēne itolo ukufuma pa lūngi, ngati mu luyigo, akabali kamo ukusyūngutila ukukīnda mbutūsyō bwa Krisimasi, pamo ikindukimo bo ikyo, u Ntwa ikwiganaga.

³⁰¹ Lilino, muntu gwa 7 gwa Buku gwa Bahiburi, uswe twaalyagene nu Mundu unkulumba uyu. Ywani abagile ukumbula une iki i Ngamu Yaake yaali? [Ikilundilo kikuyoba, “Melekisedeki.”—Nsimbi.] Melekisedeki. Lilino, Ngimba Melekisedeki aali ywani? Umweene aali yo mputi gwa Kyala Gwapamwanya Ukukinda. Umweene aali Mwalafyale gwa Salem, iki kyo Kitangalala kya Yerusalemu. Umweene akaali na gwiise, pamo Umweene akaali nu nna. Umweene akaali na kabalilo kaako Umweene apaapigwemo siku, pamo Umweene atisakuyamo siku na kabalilo aka Umweene isakufwa. Lilino, uswe tukusyaagania ukuti ikyo kibagiile ukuya Kyasyepwa.

³⁰² Uswe twasyāgenie ukuti ilisyu *bwilanabwila* kokuti “ifwaasi ya kabalilo.” Ngimba umwe mukukumbukila ikyo? Ifwaasi ya kabalilo, ikyeene kyo *bwilanabwila* kangi *bwilanabwila*. Kangi *bwilanabwila* yo aketeligwe ubuketi, utubalilo twiingi, mwi Bangeli ukuya “i—i fwaasi ya kabalilo.”

³⁰³ Loli, Syepwa, kangi lulipo uluko lumolweene ulya Bumi Bwasyepwa, uswe tukyaagile. Ngimba ikyo ko kotalusya? Kyala ali nu Bumi Bwasyepwa bula, mweene. Ngimba uko ko kotalusya? Uluko lumolweene itolo ulwa Bumi Bwasyepwa. Likayako ilisyu nalimo ilya “Ukufundigwa kwasyepwa.” Nongwa yakuti, linga ugwe kufundigwaga kwa Syepwa, ugwe uli nabo u Bumi Bwasyepwa ukufundigwa Kwasyepwa. Ugwe kufimbilisigwa ukuya na bo u Bwasyep- . . . Kangi linga ugwe uli nabo u Būmi Bwasyēpwa, ugwe ukabagila ukufūndigwa, muketile, linga ugwe uli nabo u Bwasyepwa. “Umwene uyu ikupilika a Masyu Gaangu, kangi ikwitika Umweene uyu aandumile Une, ali nu Bumi ubusitakumalika.” Ngimba uko ko kotalusya? Ubumi bwa Bwasyepwa, panongwa yakuti ugwe kwitika. Ena, linga ugwe uli nu Bumi Bwasyepwa, ugwe ukabagila ukufundigwa, panongwa yakuti ugwe uli Ubumi bwa *Bwasyepwa*. Popāpo, polelo, linga ugwe ubagiile ukukubilwa mu gahena *bwilanabwila* kangi *bwilanabwila*, ugwe kufimbilisigwa ukuya nu Bumi Bwasyepwa.

³⁰⁴ Loli, lilino, une naloli ngwitika ukuti i Bangeli likumanyisya isya gehena ugwakupya ugwanaloliloli. Ili Bangeli likumanyisya

ikyo, ukuti imbiibi nu bubibi bwisakufuundigwa, bwilanabwila kangi bwilanabwila. Ikyo kikaya Syepwa lilino. Ikyo kyo lumo ifyinja mabiliyoni kalongo. Ikyeene kibagiile ukuya ifyinja mabiliyoni mia yumo, loli utubalilo tumo ikyeene kibagiile ukuya nubumalikisyo. Kabuno, kilikyosa iki kyaali nu bwaandilo, kili nubumalikisyo. Ifyene fyo findu fila ifi fikaya nu bwaandilo, ikyeene kikaya nubumalikisyo.

³⁰⁵ Umwe mukukumbukila ulumanyisyo lula lilino? Balinga baagomokile kunyuma nukusyaagania ukuti kilikyosa iki kyaali nu bwandilo kyaali kiniongasigwe, muketile, ubuniongafu bwa ikyanaloliloli. Kangi, kubumalikisyo, ikyeene kisakusyungutilaga kulakula ukugomokela kwa Syepwa. Kangi polelo u gehena yoosa, kangi ulukumbusyo luliloosa lya ifyo, bisakufuundigwaga kwa Syepwa. Kilikyosa iki kikwanda, kikumalika.

³⁰⁶ Kangi u Melekisedeki uyu akaali yo Yeso mma, kabuno Umweene aali Kyala. Kangi iki kyalimpelile Yeso na Kyaala ukukindana, ukuti, Yeso aali yo Kitembe iki Kyala itugasya ngamo. Muketile? Lilino, Melekisedeki. Yeso ali nabo bosa tata na mama. Kangi u Mundu uyu akalimo siku na tata pamo mama. Yeso aali nabo ubwandilo bwa bumi kangi Umweene aali nubumalikisyo bwa Bumi. U Nyambala uyu akaali na tata, mama mma, kisita bwaandilo bwa masiku pamo ubumalikisyo bwa buumi. Loli, Umweene aali Mundu yulayula umfwaane. Umweene aali, Melekisedeki na Yeso aali Yumo; loli Yeso aali go mbili gwapakisu, gupaapigwe nukupeligwa ukufuma mbutulwanongwa. Umbili gwa Kyala Gweene, u mwanundumwana Gwaake Mweene, apaapigwe nukubuumbigwa ukufuma ku butulwanongwa, ukweega ubutite bwa bufwe, ukuhomba ubutabulo, kangi ukwaambilila abanabalumiana na banabalindwana ku Mweene. Umwe mukukupilikisya ikyeene? Iyo yo nongwa ukuti Umweene aali—Umweene aali nu bwaandilo, Umweene aali nu bumalikisyo.

³⁰⁷ Loli umbili umpelelesye ugu, mu lukumbusyo, ukuya—ukuya kikole kya busyuke bwitu, Kyaala akaabagiile ukwitikisya umbili umpelelesye gula ukuketa ububole, panongwa yakuti Umweene apelile ugweene Mweene. Kangi aatweele ugweene panja, kangi ukugusyusya ugweene, nukugutugasya ugweene ku kiboko Kyaake ikitalusye.

³⁰⁸ Kangi, umwisyugu, u Mbepo Mwikemo uyu asusisye umbili gula ali muno mu Kipanga. Yisayigwege i Ngamu ya Ntwa! Kangi ikunāngisya ifika filafila na maka. Kangi ilisiku limo Mbepo Mwikemo uyu, uyu ali mu Kipanga, isakukoloma kangi isakunyamula mmwanya, kangi isakwiyāmbilila mwēne nkati mu bubūmbe bwa mbili ubu ubu bwītūgesye ku kiboko ikitalusye ikya Bukulumba bwa Kyāla, ukutēndēka isayanio kwa uswe twebonangi. Kangi ukwisila Mula uswe tukuŋgigwe nubupelelesye ukufuma ku butulwanongwa. Komma ukuti uswe

tutikōnānga; lōli tukyūngigwe ukfuma ku butulwanongwa, mu Kuyapo kwa Kyāla. Nongwa yakuti, lilipo i Likemo ilisululalilopa límīle pakati pa une na Kyāla, pakati pa ugwe na Kyāla. Iyo yo nongwa Umwēne āyobīle, “U mūndu uyu apāpīgwe mwa Kyāla, atikusulwa ubutulwanongwa, umwēne akabagila ukutulwa inongwa.” Kabuno, linga ugwe upāpīgwe kabubili, u Mbepo Mwikemo yulayula uyu ālitūgēsye mu Mbili gula ikwitugasya mwa ugwe. Kangi Ikyēne kikabagīle ukutulwa inongwa; i likemo lilāmbalēle pankyeni pa Umwēne. Polelo linga ugwe nubwugane kubōmba ikyēne, kikunāngisya ukuti ikyēne kyo kikabagilamo kuli ugwe ukuya nkati mu Mbili gula. Amenī. Iyo yo Nongwainunu. Apo Ikyēne kili.

³⁰⁹ Polelo, umwe muketile, Ikyēne kitikulwāna na lililyōsa lya Masimbo. Ikyēne kikupinya a Masimbo palikimo. Muketile? “Ikyēne kikuyaga kisitakubagila ku bēne aba akabalilo kamo bāmulikīgwemo.” Apo po pāpo uswe twisakufikaga ku lilālūsyo lyāngu. Kabuno, itolo ukugāga agene, umo mo uswe tukulondela.

³¹⁰ Lilino kētēsya. “Ikyēne kyo kisitakubagila ku bēne bābo akabalilo kamo bāmulikīgwe, ukugwila pānja ukwiyandusya bēne kubupya kangu ku bupindiko, ukukēta ukuti abēne bikukomelela u Mwanundumiana gwa Kyāla kabilikosa, numkupela Umwene...kangi ukuntwala Umwene ku soni syapabwelu.” Abene bakābagīle ukubōmba ikyene.

³¹¹ Polelo ugwe kubuka kula ku Bahiburi 10, apa Ilyene likuyoba, “Kabuno linga uswe tukulwa inongwa nubwīgāne ukufuma pāpo uswe twālyāmbilīle ubumanyi bwa Bwānalōli.” Kangi ngimba ubutulwanongwa bo fiki? Ukusitakwītika.

³¹² Linga ugwe matingomatupu kukēta Mbepo Mwikemo ikubōMba ifindu ifi Umwēne ābōmbīle papapa apa ulubūnju ulu, kangi ukuketa ukuti Kristi asyukilē ukufuma ku bafwe, kangi Umwene yo gwabumi mu Kipānga Kyāke kangi nkati mbandu Bāke, kangi ugwe nubwigane kupīka Ikyēne, ikyēko kyo kwakusitabōmbigwa kwa ugwe ukwisamo kangi siku kwa Kyāla, ’nongwa yakuti ugwe uhēlwīle u Mbepo Mwikemo.

³¹³ Yeso ayobile ifindu filafila, akabalilo kako Umwene ābōmbāga ifika fila.

³¹⁴ Abene balinkuti, “Fiki, Umwene yo Belezebabu. Umwene yo njobi-gwa-bulagusi. Umwene yo mōhēsi.”

³¹⁵ Yeso alinkusyumbutuka ukusyungutila, kangi alinkuti, “Une ngubaswaga umwe panongwa ya ikyo. Loli akabalilo kako u Mbepo Mwikemo ikwisa kangi ikubomba ikyene, ukuyoba ilisyu limolyēne ukulwana ni Ikyene kutisa kuhobokeligwamo siku kwa umwe nkisu iki pamo nkisu iki kwisa.” Panongwa yakuti umwe munkolile Mbepo gwa Kyala uyu aali mu Mwene, “i mbepo inyali.”

³¹⁶ Polelo, linga ugwe kutulwainongwa nubwīgane, linga uswe tukulwainongwa, ukusitakwitika nubwīgāne.

Komma ukufuma pāpo uswe tukwāmbilīla u Bwānalóli, tupāpigwe akabubili; uswe tukāgile ukutulwainongwa kokuti. Untulwanongwa akabagile ukutulwa insitakuswe- . . . U Nkristi akabagila ukutulwa inongwa insitakuhomokeligwa. Umwēne akabagila ukubōmba ikyēne. Abēne bo basitakyāla aba bikubōmba ikyo. Abēne bo bipela-bitiki, komma abītiki.

317 Bala aba rābi ba kiYuda, o, abēne binogonāga ukuti abēne bāli bagoloke, kangi abēne bāli na ba D.D. na ba Ph.D. bala. Abēne binogonaga abēne bākisonelīle ikyēne mōsa, mu nyāmbi, lōli abēne bāli bo babibi ukukīndabosa ba batulwanongwa. O, abēne babagile . . . Ugwe ukābagile ukubika ikiboko pa—pa būmi bwābo. Abēne bāli bifyūsi, bālwiho, kangi itolo, injila yila. Lōli abēne bāli basitalwītiko.

318 Kangi ugwe ega ilisyu butulwanongwa nukusyāgania iki ilyēne likusanusya. I lisyu *butulwanongwa* kokuti “ukusitalwītiko.” Filipino itolo ifibugutila fibili, ikyo kyo, u mwītiki pamo unsitakwītika. Ikyo kyo, u mūndu ungolosigwa pamo u ntulwanongwa. Ikyo kyo kyosa. Linga ugwe uli nsitakwītika, ugwe uli ntulanongwa; kali ugwe uli nnuu bulebule, kali kubūka kalinga ku kipānga, pamo pōpe na līnga ugwe uli ndūmbilīli. Ugwe pōpe ukāli yūgwe nsitakwītika.

319 Aba Farisai bala bāli balūmbilīli, kangi abēne bāli basitakwītika, kangi bali mu gehena umwīsyūgu panongwa ya kila. Itolo ukuya bīputiputi mūmo abēne bābagile ukuya, kangi bālwiputo, lōli abēne bakālimmwītike Umwēne. Kangi abene balinkunkolela Umwene “u mōhesi,” kangi nukulwāna ni Lisyu Lyāke. Kangi bāmo mwa bēne balinkuyoba, “Linga ugwe ubagile ukuya, lilino suluka ukufuma pa kipīngika. Boma i kīka. Unko uswe tukukēte ugwe kubōmba ikyēne.” Yumo alinkuntika Umwēne pa ntu, ni ngili, nukuyoba, “Solola nukutubūla uswe ywāni akutikile ugwe, ugwe gwe nsololi, kangi uswe twisakukwītikaga ugwe.” Muketile, abasitakwītika! Abēne bikwipela-kwitika ukuti abēne bāli bitiki, lōli abēne bāli basitakwītika, abasitakumela-kangi, abipāgule, palema nalinga abēne bāli bikemo kangi bīputipūti.

320 Lōli, ikyo kyo kīndu kilakila kikwīma umwīsyūgu. Abanyāmbala na bakīkūlu babagile ukubūka ku kipānga nukuya basulumania pa kisyo, nu—nu kuya bīputipūti mūmo abēne babagile ukuya, nukusyobamo siku, nukwibamo mma, nukugela ukwītūgāsya ubwīputiputu bwābo nubununu na mūmo abēne babagile ukubōmbéla. Lōli, kisita abēne ukuya bītiki, abēne kokuti bayōngile. Popāpo bukayapo nu bung’wale nabumo ubwa bandagilo mu li Bāngéli. IkiCalvinist kyo. . . Ilipyāna lyo iki Kyāla ābōmbīle kuli ugwe, kangi imbombo syo iki ugwe kumbombela Kyāla. Ikyēne kyo lōsa kipānguligwe.

321 Linga ugwe kuleka ukusyōba, ukuleka ukukwēsa, kuleka ukuhīya, kuleka ukulogwa ubulogwe, kuleka fyosa, ubōmbīle

kilikyosa, ukyūngile ingomelesyo, kangu ubūkile ku kipanga, gōsīgwe Pandungu guligosa, ulile ungonelo, usukile amalundi ga bīkēmo, ubōmbīle kilikyōsa, ubūmbulwīsyē ababine, kangu ubōmbīle fyōsa ifīndu ifingi ifi, pene pāpo ugwe upāpīgwe ukufuma mwa Mbepo gwa Kyāla, usalīgwe, ugwe uyōngile. “Komma umwēne uyu īganīle pamo umwēne uyu ikubōpa, lōli Kyāla yo uyu ikunāngisya ikisa.”

³²² Esau āgelīle ikinunu kyāke ikyākukīnda ukuya Nkristi, kangu alinkutoligwa ukubōmba ikyēne. Ili Bāngēli lyāyobīle umwēne ākūtīle nububabe, ukulōndesya ubuyo ubwakupīndukilāpo, kangu alinkutoligwa ukubwāga ubwēne. Bo umwēne ākāli nukupāpīgwa, Kyāla ālintagile umwēne, ’nongwa yakuti Umwēne āmenye umwēne āli gwasoni umbolano mu ndumbula yāke. Kyāla ukwīsila mu kumanyila-ngāni āménye ikyēne. Umwēne alinkuyoba, “Une nunganile Yākōbo, kangu une numbēngile Esau.” Kangu Esau ābonekāga ngati mundu gwaluyīndiko. Umwēne asyālāga pa kāya, ukumpakisya ugwise unkāngāle umfwamaso, ukulisya ing’ombe, na filisyōsa, āli ndumiana nnu.

³²³ Kangu Yākōbo āli yo ndumiana gwa māma, unnini ugwaiyolo ugwakikīkūlu umpanga-tupango. Ikyo kyo iki umwēne āli. Ugwe kufimbilisīgwa ukukyītikisya ikyēne. Ili Bāngēle likwītikisya, likutwāla ikyēne. Ukubopa ukusyūngutīla, ukubōmba kilikyōsa. Kangu—kangu māma, ukusyūngutīla mōsa na māma. Lōli, pōpe, Yākōbo, na fyosa ifya mwānya na fyāpāsi, kangu ni njila syabukīkūlu, umwēne akāli āli nu luyīndiko ku bwabuke bwa kupāpīgwa bula. Ikyo kyo kyapamwanya fiyo.

³²⁴ Esau āli kabili-kōsa nnyāmbala gwakuyīndikīgwa ukukīnda Yākōbo. Līnga uswe twafimbilisīgwe ukundonga umwēne umwīsīyūgu, ukuya mbakasya ya kipānga kyītu, ugwe gwabagīle ukummwēga Esau, kaelifu kwa yumoywene, līnga ugwe ukālīmēnye umwēne. Loli Kyāla ālyégile Yākōbo.

³²⁵ Ngimba ugwe kubōmbāga nagwe fiki Mwikemo Pauli, līnga umwene ālondāga ukuya gwambombo? Unnini, ugwaiyolo unniongafu-mbulo unJuda, kangu undomo gwāke gwitūgēsye ndubafu, ikubūka mula nubugāsi, na mūmo umwēne ayaga pakulāsulania mōsa i Kipānga, umwēne ikubōmbāga filifyōsa. Ugwe gwabagīle ukwīnogōna umwēne atulilwe ubutulwanongwa ubusitakuhobokelīgwa, loli Kyāla alinkuti, “Umwēne yo gwambombo Gwāngu.”

³²⁶ Kyāla ikwēga abanyāmbāla nukubapela abēne bakīndāne, komma abanyāmbāla ukummwēga Kyāla nukuya bakīndāne. Kyāla ikwēga unnyāmbāla nukumpela umwēne ukuya nkīndāne. Ikyēne kikaya iki ugwe kubōmba, iki ugwe gwīganile, iki ugwe kwīnogōna. Ikyene kyo iki Kyāla ikubomba. Mwaketa lelo umwe. Polelo ako ko kapango.

327 Lilino, uyu unkulumba Melekisedeki, ko kapango kaki pa Mwēne apa! Uswe tukulōnda ukubala panini ukukindililāpo, itolo mu luko lwa . . . uswe twāfimbilisígwe ukubopa ukukīnda mu lyēne nu bwēngo fiyo. Uswe tukuyaga pakwanda kunyuma kuno pa kayapo kamo aka Lisimbo, kangī uswe tukuyaga pakwanda kifuki ilinandi lya 15.

Kangi ikyēne kyo tāsi . . . kyabuketi ukukindapo: ukuti pala . . . panongwa ya ikyo mbufwanikisyo bwa Melekisedeki pala pakutupukapo u mpūti uyungi.

328 Lilino, Melekisedeki āli Mputi. Bule Umwēne? Apa po kilipo iki Umwēne āli. Uswe tukusyāgania ukuti Kyāla, mbwandilo, yāliko i nyībúko ingulumba iya Mbepo. Ngimba isyo syabwanaloli? Umwēne akāli nabo ubuyo bwakupāpiligwa. Umwēne akāli nu buyo bwakufwila. Umwēne akāli nago amasiku ga bwāndilo. Umwēne akāli nafyo ifyīnja ifyabumalikisyo. Umwēne āli itolo Gwasyēpwa mūmo u Syēpwa yo Gwasyēpwa. Umwēne akāpāpīgwmemo siki. Umwēne akāfwilēmo siku.

329 Kangi nkati mula, uswe tukusyāgania, Umwēne āli nu luko luhano-na-lubili ulwa Mbepo. Ngimba uko kotalusya? Ili Bāngeli lyāyobīle, mu Busetuli, ukuti, “I Mbepo ihano-na-ibili panyēni pa Kikota kya Kyāla.” Ngimba uko kotalusya? Ihano na ibili, uluko lwīngi, i Mbepo ihano na ibili. Uswe tukusyāgānia, silipo ilangi ihano na ibili. Silipo ihano na ibili ingululo sya kipānga pala. O, ikyēne kikubopa. Ihano na ibili ku kumalisya, kangī Kyāla amalisígwe. Kangi i Mbepo ihano na ibili, kangī i Mbepo sila syāli mbelelesye. Iyakwānda yāli lāngi ya bukesefu; lugano ulupelelesye, lutabulo. Kangi mūmo, linge uswe twāli na kabalilo, ukupa ilāngi sila nukunāngisya ukuti yilyiyōsa iya lāngi sila sikwīmilīla ubupelelesye bwa Kyāla. Amenī. Ilāngi sila, syalipo ilāngi sihano na ibili isyankipeligwa. Ilāngi sila sikwīmilīla ubupelelesye bwa Kyāla. Kangi i . . . Ilāngi sila sikwīmilīla unyigano sya Kyāla, akāmulīlo ka Kyāla. Ilāngi sihano na sibili sila, isyēne sīmililāga ingululo ihano na ibili sya kipānga, indondwa ihano na ibili, abāndūmi bahano na babili. Ukukīnda mōsa mu Lisimbo, ababōmbi bahano na mabili, abatumīgwa bahano na babili, indumi ihano na ibili, fyosa mu buhano na bubili. Amasiku mahano na mabili. Amasiku mahano na limo kangī ilya kihano na mabili lyo sabata; bupelelesye, ukumālīsyā. O, ikyēne kyo kimogi, linga uswe itolo twāli na kabalilo ukukūmba mu kyēne nukutwāla ikyēne panja, ilāngi sila!

330 Ega ilāngi ya bukesefu. Uswe tukwēga ilāngi yākwānda, yo bukesefu. Ngimba u bukesefu bo fiki? Bukesefu kyo kimanyilo kya bubibi. Bukesefu kyo kimanyilo kya butabulo. Kangi umwe kēta ku bukesefu ukwisila mbukesefu, ngima yo langi nki yo iyēne? Ikyēlu. Ikyo kyo kitalusye. Popāpo akabalilo kāko i Lilopa ilikesefu lyālyōnīke, ukukupilila ubutulwanongwa ubukesefu,

Kyāla, ikukētēla ukwisila mu Lilopa ilikeseifu, ikukēta ku butulwanongwa ubukesefu, ubwēne bukwisa ukuya bwēlu. Umwītiki akabagila ukutulwa inongwa. Naloliloli umma. I Mbeyu ya Kyāla, isayo sya Kyāla, sikusyāla pa mwēne. Kyala akabagila ukukēta nakamo loli i Lilopa lya Mwanundumiana Gwāke Mwēne. Kali kyo fiki mu Kipānga Kyāke, iki ikyēne kili, Kyāla atikububōna ubwēne, panongwa yakuti Yeso ikutēndēka ukupepeka kingikingi, u Mputi Unkulumba. Ni njila nayimo kuli umwēne ukutulwa inongwa, akabalilo kāko i Likemo bo ili lilāmbalalīle umwēne pala, bo ulo. Naloliloli umma.

³³¹ Kangi lilino linga ugwe kuyoba, “Mulimosa, ikyo kikūmba une ulusako ulununu. . .” Polelo ikyo kikubonesya ukuti ugwe ukaya kanunu.

³³² Ugwe kwīsa kupālisya Ikyo. Ugwe kwīsa kukigana Ikyēne, linga ugwe gwe Nkristi gwanaloliloli, ku buyo bwakuti ubutulwanongwa bukukulūmbusyaga ugwe mpaka ugwe ukabagila ukubōmba ubwēne. “Kabuno i Mbeyu ya Kyāla yikusyāla mu mwēne, kangi umwēne akabagila ukutulwa inongwa.” Ili Bāngēli lyāyobile, “Akabalilo kamokene asūkīgwe ni Lilopa lya Yeso, akaya ni kinyonywo kya butulwanongwa kangi mma.” Linga ugwe ulinakyo ikinyonywo, i ndumbula yako yikaya kanunu na Kyala.

³³³ Lilino, ugwe kwīsa kubōmbāga ubusōbi, lōli ugwe utikubōmba ikyēne nubwīgāne. Muketile? Ugwe gwe—ugwe gwe upīngīgwe pakipīngo, kangi kalikōsa aka ugwe upīngīgēmo, pamo ukubōmba ikindukimo iki ugwe ukālīganīle ukubōmba, ikyēne kikaya butulwanongwa tāsi mma, ugwe kwisakupīndūka i miniti yīyo ugwe kukēta ukuti ikyēne kyo kisōbi. Ugwe kwisakusyūmbutuka nakalinga itolo nukuyoba, “Une ngāsanusyāga mma. . . ngakibwēne ikyo.” Ugwe kwisakuyoba ikyo, ukukīnda mbūmi bōsa. U mūndu atikulōnda ikuya, iyo yo nongwa uswe tukuya batoyofu fiyo kangi fiyo mu ngīsi, pāsi apa pa kīsu, ukuti bulipo ubuhōmbe bwa Lilopa kuli uswe, akabalilo kōsa, ukūmilīsyā uswe ukukupililīgwa. Nongwa yakuti, ubusōbi bwākwa’nda uswe tukwāgāna. . .

³³⁴ Lilino, apo po alipo ugwandagilo gwīnu. “O, ugwe umenye fiki? Unkīkūlu yula āli nkemesīgwe. Lōli, saya Kyāla, umwēne ābōmbīle ubusōbi. Une mmenye umwēne āgomokīle kunyuma.” Ubo busōbi. Umwēne akagomokela kunyuma. Umwēne āsobīle. Linga umwēne ābōmbīle ikyēne nubwīgāne, polelo umwēne akaya kanunu, ukwanda itolo.

³³⁵ Linga umwēne akālīganīle ukubōmba ikyēne, kangi umwēne ikwēnda pankyēni pa Kipānga ikīkēmo kya Kyāla nukulāta ikyēne, nukuyoba, “Une ndi nsōbi, kangi umwe nswaga une,” umwe mukufīmbilīsigwa ukubōmba ikyēne. Ugwe utikubōmba ukubōmba ikyēne mu ndumbula yāko, polelo ugwe kufīmbilīsigwa ukuti gwābūkīle ku kīgemo gwīmwēne.

Kyabwanalóli. Apo po bulipo ubwíkemo bwanaloli nkipānga. Apo po bulipo ubwíkémo bwanaloliloi, ubwíkémo komma ubwa umwe, lóli ubwa Kristi.

³³⁶ Une ngaya nu bwíkémo nabumo ubwakutwāla kwa Mwēne. Lóli une ngusūbila mu Bwāke, o, ilipyāna Lyāke, kangi une ndinalyo ilyēne mu ndumbula yāngu. Une ngaponjolela ubwēne, nakimo iki une nābagile ukubōmba ukulōngela icyēne, lóli ukwisila mu ipyāna Umwēne ālingōlile une nukundwāla une ukuti nīse. Kangi une nakētīle ku Mwēne, kangi Umwēne ālyēgile ikinyonywo ukufuma kwa une. Une ngusóba maelifu ga busóbi mmwesi guligosa, nkyinja kilikyōsa. Naloliloli, une ngubōmba. Lóli akabalilo kão une ngukéta une nsobile, une nguyoba, “Kyāla, une ngāliganile ukubōmba icyēne, Ugwe umenye indumbula yāngu. Une ngāliganile ukubōmba kila. Une napingikiligwe mu kila. Une ngāliganile ukubōmba ikyo. Ugwe nswaga une, gwe Ntwa.”

³³⁷ Linga une mbōmbīle ubusóbi kwa nkundwe gwāngu, une nguyoba, “Nkundwe, nswaga une. Une ngāliganile ukubōmba ikyo. Naloliloli, Kyala amenye indumbula yangu.”

³³⁸ O, mwaketa lelo umwe. Apo lilipo ilikemo lya Lilopa. Apo galipo a maka ga Nongwainunu, i Kipānga kila ikíkémo kikwēndéla nkyēni. Komma panongwa ya kindukimo ugwe ubōmbīle; icyēne kyo kindukimo ugwe ukāli nakyo nakimo ikyakubōmbapo. Apo kulipo u Kuhōmba.

³³⁹ Lilino, yu Melekisedeki, akabalilo kāko Umwēne ālisile pala.

³⁴⁰ Une ngulonda ukubabūla umwe ikindu ikīngi. Ngimba umwe mwegilémo siku a—a kapatu ka ndalasi ilyanguto-itatu? Ugwe kwēga akapatu ka ndalasi aka kali ni nguto itatu, nukukalāmbalīka akēne ukuti ilisuba likatīke akēne, akēne kisakutwāla ilāngi ihano na ibili imbelelesye. Akapatu ka ndalasi ka nguto-itatu kisakutwāla ikipingafula. Isyo syo katikati kutalasya. Lilino, linga uswe twali na kabalilo, uswe tubagile ukubuka nkati pa ikyo. Fitatu fikutwāla ubupelelesye: Tata, Mwanundumiana, Mbepo Mwikemo; ukwitikisígwa, ukukemesígwe nu lōsyo lwa Mbepo Mwikemo. Mwaketa lelo umwe. Ubupelelesye bukwīsa mu fitatu. Kyāla, pamwanya pa mūndu; Kyāla, mwa Mūndu ākōlelígwe Yeso; Kyāla nkati nKipānga. Polelo, u bupelelesye.

³⁴¹ U mūndu ātulilw'inongwa, akabalilo kōsa Kyāla āli pamwanya *apa* mu Mbānda ya Moto. Kyāla... Umundu ātulilw'inongwa, ndigi, pankyeni pa Kyala, akabalilo kosa Kyāla āli mu Mbanda ya Moto, panongwa yakuti umwēne akāli āli kipeligwa ikifitano, ililopa lya finyamāna lilāmbaléle pankyēni pa Mwēne.

³⁴² Polelo u Kang'osi gwa Kyāla alinkwīsa, ilikato lyānaloliloli lya Kyāla; Kyāla yulayula, mbubōmbelambombo ubūngi. Kangi

polelo Kyala uyu nkati. . . āli mwa Kristi, āli yo Kyala yulayula āli mu Mbanda ya Moto. Kangi u Kyala yulayula āpelígwe ukuya mbili kangi nukwitugasya pakati pitu. Kangi polelo umūndu alinkumūgila Umwēne, ikyēne kyākáli kili nikyakwāmulápo pa kyēne. Likālipo i Lilopa lyōníke tāsi mma. Uko ko kotalusya. Yeso alinkuti, “Une ngukuswaga ugwe.”

³⁴³ Lōli lēlo yula Yuyo yulayula uyu āli mbili, alinkuya mu Mbānda ya Moto kangi. “Une ngufuma kwa Kyāla. Une ngugomokela kwa Kyāla.” Apa uswe tukwaga Pauli ikwāgāna nu Mwēne, pa nsebwe ugwa ku Damaska, yilayila i Mbānda ya Moto. Uswe tukummwāga Peteri ikwāgāna nu Mwēne mu bāminyololo, yilayila i Mbānda ya Moto yila. Naloliloli. Kangi uswe tukuketa Umwene umwisyugu, pakati pa uswe, yilayila i Mbanda ya Moto.

³⁴⁴ Lōli u bupelelesye bwīsile ku buyo, ukuti u Mūndu gwapakati. . . Lilino, linga apa pakuboneka ukuyapo unJuda apa, pamo umunduyumo uyu ikupilikisya u Lwītíkáno Ulukūlu. Sisimikisya ikyēne, unko une mbanāngisye umwe. Une ngaya nalo u Lwītíkáno Ulukūlu na une, papapa lilino. Ulu lo—lo Lwītíkáno Ulupya. Lōli mukukemesya kwa nkati gwakubonesya ugu gwāli mu sahani ya kosha, mu likemo lwa kiJuda ku busuke bwa fitēmbē; ndālūsya unJuda aligwēsa; pa fipatu fitatu fya nkati, ikipatu kya pakati kyabongotolígwe. Kila kyāli Kristi. Ikipatu kya pakati kyabongotolígwe; Kristi, u—gwapakati. Kyābonesyāga ukuti apēne pāfīmibilisigwāga ukuyapo ukubongotoka, pabuyo bumo, kubutabulo. Kangi ikipatu kila kyālyēgígwe ukuya butabulo, pa nkati gwa kosha.

³⁴⁵ Kangi apa Umwēne alipo. Kangi ikilo iki, akabalilo kāko uswe tukulya ubulilani, uswe tukubōngotola unkati gwa kosha, panongwa yakuti ugwēne go mbili gwa Kristi. Kangi Umwēne ābongotolígwe ku Kalvari, ukuya Luhombo panongwa ya mbībi syītu, ukuti ukwīsila mu bwíkemo Bwāke uswe tubagile ukuya bwíkemo Bwāke. Panongwa yakuti, Umwēne alinkuya butulwanongwa bwītu, ukuti uswe tubagile ukuya bwíkemo Bwāke. Nkundwe, ilyo lyo lipyāna kubumalikisyo. Lōsa. Yikayapo i njila nayimo, injila yiliyōsa iyīngi ugwe gwābagile ukwitikisya.

³⁴⁶ Lilino, u Melekisedeki uyu, u Mūndu unkulumba uyu yūyu alyāganígwe pa nsebwe, umwēne alinkuhōmba, Abraham āhōmbile ifyakalongo ku Mwēne. Yo nkulumba bulebule u Mūndu Umwēne ābagile ukuya! Lilino kētésya, nakalinga.

*Yūyo ābūmbígwe, komma ukufuma ku lulagilo. . .
ingomelesyo sya mbili. . .*

³⁴⁷ Lilino mukētīle u lulagilo lwa bāndagilo? Ululāgila lwāyobīle, “Ugwa ulingisakugoga mma. Ugwe ulingisakulogwa ubulogwe mma. Ugwe ulingisakwibaga mma.”

348 Yeso alinkusyūmbutuka ukugomokela ukusyungutula, alinkuti, “Ikyēne kyāyobígwe na bēne aba tubabalilo twaiyolo, ‘Ugwe ulingisa kugoga,’ lōli Une nguyoba yūyo nkalale na nkūndwe gwāke, kisita nōngwa, atalile agogīle. Ikyēne kiyobígwe na bēne, utubalilo twaiyolo, ‘Ugwe ulingisakulōgwāmo ubulogwe,’ loli Une nguyoba kwa umwe, aligwesa uyu ikuketa ku nkikulu ukunnyonywa umwene, atalile atulilwe ubulogwe nkati mu ndumbula nu mwēne.” Mwaketa lelo umwe. Ikyo kibagīle ukumanyisya abakīkúle akafwālilo, akabōmbelo iki kitalusye. Ugwe kufwāla mbusóbi, nukubapela abanyāmbala ukukukēta ugwe mu njila insobi, ugwe utobesígwe isya kulogwa ubulogwe, itolo ukufwāna ngati ugwe gwālyēndilēmo nkabōmbo kala. Yeso āyobīle lūlo.

349 Kangi umwe bāndu nu bugāsi bwa kikekelo-matapwa, mwe akabalilo kōsa mukutēkela pānja mu ndomo ku mūndu yumo, mukutologwa ukufisako, ni findu bo ifyo. Yaga mwandegē. Umwe mutobesígwe linga umwe mukuyoba ilisyu ukulwana nu nkūndwe gwīnu ikyo kyo kikaya kitalusye, komma itolo, ukubūka ukusyūngutūla nukuswanyulania ikyēne. Ugwe utikufimbilisígwa ukukitika ummāge mu nyuma ya mūndu mma ukungoga umwēne. Ugwe ubagīle ukugoga akayīlo kāke nukungoga umwēne, ukugoga uluhaho lwāke. Yoba ukulwāna nu ntimi gwīnu apa, yoba ikindukimo ikinyali ukufwana nu mwēne, ugwe itolo angali kifwēne itolo untusulīle umwēne. Gwāyobīle ikindukimo iki kikāli kitalusye ukufwana nu mwēne, mulimosa, ikyēne kisakugoga uluhaho lwāke na bāndu ni findu bo ifyo, kangi ugwe utobesígwe ikya ikyēne. Iki Yeso āyobīle.

350 Lilino, pilikisya apa, iki—iki Pauli āgelāga ukufikako apa. Une ndiganīle ili Bāngēli ilyaiyolo ili. Ilyēne likukugolosya ugwe mōsa. Keta, o, keta itolo kuno. Lilino, bo uswe tukubala ilyakina-. . . “Ikyēne kyo. . . kabuno ikyēne kyo kyapabwēlu ukuti u Ntwa gwītu ātupwīke ukufuma mwa Yu-. . .” Gūlīla, une ngusūbīla une ndinalyo ilināndi ilingi apa une nayaga pakubala. Umma, pāsi apa ku lya 16.

*Yūyo atēndekígwe, komma ukufuma ku lulagīlo
lwa. . . syamumbīli ingomelesyo, . . .*

351 Uko ko kwandagīlo, umwe muketile. “O, nkundwe, une—une ndikulonda ukubomba umma. Une ngabagila mma. Une mmenye, loli une. . .” Ikyo kikaya ikyēne mma. Ulwēne lo lugano ulu lukubōmba ikyēne.

352 Mumo uswe twaabukile ukukinda ikyene! Une nāyobīle, “Linga une nāyobīle ku gwāngu. . . ukufwāna nu nkasi gwāngu, ‘O, mulimosa, une—une—une ngulōnda ukuya ba bakīkúlu babili. Une ngulōnda ukwendendeka ukusyūngutūla na uyu, ukubōmba iki uyu pala. Lōli, linga une ngubōmba, unkasi gwāngu isakunsosya une, kangi abāna bāngu bisakuyaga mu. . . Ubutumígwe bwāngu bwisakutāgigwāga.” Ugwe gwe

mbwapufu, gwe nsyōbi umbolano. Uko ko kotalusya. Ugwe ukāngāna umwēne kanunu mma, mbuyo bwakwānda itolo. Uko ko katikati kotalusya.

³⁵³ Linga ugwe gwālinganile umwēne, angali lukayapo nu lulāgilo ukufwana ni kyēne. Ugwe āngali unganile umwēne, mulimōsa, kangi ugwe kwibanilila ku mwēne. Uko ko katikati kotalusya. Kangi umwe bakīkūlu mukubōmbāga ikindu kilakila ku bālūme bīnu. Uko ko kotalusya.

³⁵⁴ Utubalilo tumo abakīkūlu bikuya bo buyo, pamo . . .

³⁵⁵ Unnyāmbāla ikukēta aka Yesebeli akanini kamo kīpakīle ilāngi mōsa, umwe mumēnye, kangi—kangi ugwe kubūkāga ukusyungutila umwēne, ukugwīla umwēne; lumo uli nu nkasi unnunu. Kangi polelo ugwe kwīkōléla gwīmwēne Nkristi. Isoni pa ugwe. Ugwe kulōndīgwa akatoti akāngi aka kigemo. Uko ko kotalusya.

³⁵⁶ Kangi mwe bāmo ba umwe—kangi mwe ba umwe bakīkūlu mukukēlengania ku akāmiāna kamo akanini ni nywīli syāke simyātīkīgwe pāsi, u Vaseline umwīngi pa syēne uku . . . ukwīgula akanwa kāke. Kangi polelo umwe . . .

³⁵⁷ Undīndwāna yumo unnini ugwaiyolo, apa pakaya patali mma apa pakīndīle . . . Iyi yikaya sunga mma, 'nongwa yakuti une ndikulōnda ukuyoba isunga. Lōli abāndu bamenye ukuti ubu bo bukaya buyo ukusūnga. Lōli u ndīndwāna ugwaiyolo unnini apa, umwēne . . . Bālipo abalumiana abanunu apa, abalūmiāna Bakristi. Akabalilo akatali aka kakīndilēpo, akabalilo kāko une nāli ntīmi apa, uswe twālisībīle ukuya ni kalasi lya banyāmbala abakeke itolo. Kangi une nālisībīle ukuyoba ku bakīkūlu abakeke pamūsi Pandungu, isya kugonana ni findu. Polelo Pandungu apakōnge kunamayolo, nguyoba ku banyāmbala abakeke, nukugela ukufibīka ifindu fila ukutēdekesīgwe mōsa.

³⁵⁸ Undīndwāna yumo unnini ālyāndīle ukwendendeka na kamo akabōngololo akanīni akaiyolo, pāsi nkāya aka, kakwēsāga ingāambo kangi umwēne āli na kapāle mu nyāmbi yāke. Kangi umwēne endelaga akagali akanīni aka roadster ukusyungutila nkāya. Une ndinkutolīgwa ukukēta iki umwēne akibwēnēmo mu ndumiana yula. Umwēne akīngilāga nkipānga mma. Umwēne undūmiana itūgāsyaāga panja pala. Ukumbīka umwēne nkipānga muno, lāngi polelo umwēne itūgāsyaāga panja pala pānja, mu ligālī lyāke, nukugūlīla, akīsaga mma nkipānga. Une ndinkuyoba ku mwēne undindwana ilisiku limo. Umwēne itugasyāga mu New Albany. Une ndinkuti, “Une ngulōnda ukulālūsya ugwe ikindukimo, ndindwāna. Ngimba fiki nkisu kya pasi ugwe kukētāmo mu ndumiana yula?” Une ndinkuti, “Ikindu kyākwānda, umwēne abubēngīle bu bwīputiputi bulabula ubu ugwe-gwa uli nabo. Umwēne ikūgīla u Kristi gwāko. Umwēne akabagīla ukupela ugwe unnyāmbala. Umwēne

ikupelaga ugwe ukuya mpelakisa, ubūmi bwāko bōsa.” Kangi une ndinkuti, “Mulimōsa, balipo abalūmiána abanunu abanini a Bakristi apa aba ugwe gwābagile ukwēnda nabo. Kangi pala ugūso nunnago bikukāna na minogono ga ugwe ukusōka panja, lōli ugwe kubūka mulimōsa, kangi ugwe kwīnogona, ‘Une ne nnyafu kalongo-na-fihano-na-kimo.’”

³⁵⁹ Umwēne alinkwānda ukwipaka ifyakwipakapaka nukubopa pānja, kangi ikīndu kyākwānda, umwēne āli mfilabu. Umwene akakindile kwa Syēpwa lilino. Loli, akabalilo kala, umwene ālimile apa. Kangi umwe mumenye ukwiya kuko undīndwāna yula āpēle kunyuma kula, ukuti umwēne ālinganile undūmiána yula? Umwēne undīndwāna alinkuti, “Umwēne ali nu luko lwa tulundi utumogi, kangi umwēne ikunūnga kanunu fiyo.” Ngimba umwe mubagile ukwīnogonela ikyo? Ukwipaka mwene ulūmo, uyo yo likikulu, komma u nyāmbala.

³⁶⁰ “Kēta,” une ndinkutoba, “kalumbu, une kinunupo nendege nu ndūmiána u Nkristi uyu injayo syāke syafwēne magali agakulima imisebwe kangi ānungāga ngati lēmbē, linga umwēne āli lōsa Nkristi.” Uko ko kutalusya. Kyabwanalōli. Ena.

³⁶¹ Ukwēne ko kwīyāya, “Injayo simo immogi, kangi ikunūnga kanunu fiyo.” Umwēndesya ikilabu yula unnini, kubumalikisyo alinkōnānga ubūmi bwa ndīndwāna yula. Ikyēne kyo kikosyasoni, kyabuywēlūfu.

³⁶² Ubwēgi bo buyīndikigwe, lōli ubwēne bubagile ukwīgiligwa nulwīputo kangi nuluyīndiko. Kangi ulugano lwanaloliloli kuli nkīkūlu yula lwīsakupinya umwe palikimo kwabwīlanabwila. “Iki umwe mukupinya pa kisu kya pasi, Une nisakupinya ku Mwanya.” Akabalilo kāko ugwe kwēnda pāsi pa lukīndi pala, umwēne unkīkūlu abagile ukuya nkāngāle nukuya gwāmbuha kangi gwāngīnya, lōli ulugano lulalula ugwe gwāli nalo kuli umwēne akabalilo kāko umwēne āli nkeke, nkīkūlu ummogi, ugwe ukāli ali nalo ulwēne.

³⁶³ Ugwe ubagile ukuya ni fibega-ifinamepāsi, gwākipāla, kangi gwāngīnya-pakisyo na filifyōsa ifīngi, lōli umwēne isakukugāna ugwe itolo bo umwe mwābōmbile akabalilo kāko ugwe kwīma ni fibēga ifipapate ni nywīli isyabusito, linga ikyēne yo naloliloli Kyāla. Kabuno ugwe kukēta ku kabalilo kāko ugwe ulobwīke ikisōko kula, akabalilo kāko ugwe kutupuka kangi, kangi ku bunyāmbala nu bukīkūlu ubukeke, ukuya nu būmi palikimo kwabwīlanabwila. Ulo lo lufingo Lwasyēpwa lwa Kyāla. Umwēne āyobīle Umwēne ikubōmbaga ikyēne. Umwēne, komma kyēne ikyo, uswe tukufikaga ku kyēne mu miniti, Umwēne āfīngile Umwēne ikubōmbāga ikyēne.

³⁶⁴ Pilikisya iki, bo uswe tukukīndililāga.

*Yuyo atēndekigwe, . . . ukufuma ku lulāgilo . . .
ingomelesyo syamumbili, lōli ukufuma ku maka ga . . .
būmi ubusitabumalikisyo.*

³⁶⁵ Lilino uswe tukuyaga pakabala nakalīnga, polelo uswe tubagile ukulyēga ilyēne.

Kabuno umwēne ikuyobapo, Ugwe gwe mpūti kwa bwīlanabwīla ukufuma ku lubatikano lwa Melekisedeki.

Akabalilo kōsa pisakulōndigwāga u mpūti, Umwēne isakuyāga Mpūti.

Kabuno bulipo ubukēti ukwīmika kwa ngomelesyo kukubūka pankyēni...u bōnywa bwa kusitakukaba ukufuma pala.

Kabuno ululāgilo lukātēndīke nakimo kipepelesye, . . .

³⁶⁶ Ugwe ukabagila, kali ugwe kubomba fiki. Ugwe ulekile ukunwa, ulekile ukukwēsa, ulekile ukuyoba ubutūngūlu, kubuka ku kipānga nukugela ukubōmba iki kangi kugela ukubōmba kila, ugwe ukāli uli gwāmbīli. Ulo lo itolo lulagilo. Ululagilo lutikupela nakimo ikipepelesye. Lōli fiki kikapela kipepelesye? Kristi. Lwīmiko! Une mbagīle ukuleka ukusyōba, ukuleka ukuhiya, ukuleka ukulogwa ubulogwe, ukuleka ukulya ingambo, ukuleka ifindu fyōsa, kangi une ngāli ndi gwāmumbili. Kyāla atikwāmbilīla ikyēne, panongwa yakuti une ngaya nakyo nakimo ukupa ku Mwēne mu buhōmbe.

³⁶⁷ Lōli i miniti iyi une ngulambalika amaboko gāngu pa ntu unsayīgwa gwa Ntwa Yeso, nukuyoba, “Ntwa, une ngaya nnuu mma. Ngimba Ugwe kunyegaga une ukuya gwambombo Gwāko?” kangi Kyāla ikufipa ukusosyāmo ubutulwanongwa bwāngu, une ngwīma mpepelesye mmaso ga Kyāla. Uko ko kutalusya. Fiki? Une ndikwimba mma pa kubagilila kwāngu kwēne. Une ngwīma pa Kwāke. Kangi Umwene atupelelīsyē uswe, ukwīsila mu kukubilwa ni Lilopa Lyāke.

³⁶⁸ Une ngukēta akēne ko kabalilo kakwīgāla. Lōli une ngulōnda ukumālīsyā ukubala iki linga une mbāgīle, nakalinga.

...ukubuka pankyēni panongwa yakuti ubōnywa bukaya nubukabi mulamula.

Kabuno ululagilo lwāpelīle nakimo ikipepelesye, lōli ukutwālāmo ukwa lusūbīlo lwābōmbīle; (Ngimba u lusūbīlo ulununupo lo fiki? Kristi.) ukwīsila mu iki uswe tukusegelēla kifuki kwa Kyāla.

³⁶⁹ Fiki? Ukwīsila mōsa mu bununu bwītu, kangi bōsa ubwa bununu bwītu, kangi bōsa ubwa bununu bwītu, uswe tukāli tuli bamumbili. Lōli kukuya itolo mu Kuyapo kwa Kyāla, ukusyāgania ukuti uswe tukābagīle ukwīma mula, kwēne kūkwīsila mu kubagilila kwa Yeso Kristi, polelo uswe tukusegelēla kifuki kwa Kyāla, ukwīsila mu kubagilila kwa Mwānundumiana Gwāke. “Ntwa, une ngwīsa kwa Ugwe, ni ndumbula ingolofu. Mu Ngamu ya Mwanundumiana Gwāko Yeso, nalamba nyambilīla une.” O, nkundwe, ugwe kwīsila mu njila ya būmi polelo.

370 Komma, “Ntwa, Ugwe umenye une ndekile ukunwa. Ugwe umeneye une ngunjindika unkasi gwāngu kanunu. Ugwe umenye une ngubōmba *iki*. Une ngubōmba *ikyō*.” Ugwe kufimbilisigwa nakāmo.

371 “Kabuno ululāgīlo lwa ngomelesyo isuamumbili sikābagīle ukubōmba nakimo, lōli ukutwālāmo kwa lusūbīlo ulūngi kwābōmbīle. U lusūbīlo lula yo Kristi, uswe tuli nāli ukuya bo ngimu ya mōyo, lwitotekīle kangi lwanalōlilōli.” Kētésya.

Kangi palema nalinga ukuya kisita lufingo umwēne. . .

Gwapankyeni-ngamu, linga umwe mukukētésyāga nkati apa, ali mmasimbo amagwilalubafu.

. . . umwene ātēndīgwe ukuya mputi:

Komma ukuya mputi itolo, lōli Umwēne ātēndekīgwe ukuya Mputi ukwisila mu lufindo. Komma. . .

372 Lilino kētésya. Unko uswe twēge ubupūti bīsa ubūngi.

(Kabuno abaputi bala, abanyaLevi, itolo, bagolofu, banyāmbāla ababwanaloli-ndumbula, abapūti bala batēndekīgwe kisita lufingo; . . .)

373 Kyāla itolo āyobīle, “Ukufuma ku luyungu lwa—ukufuma ku luyungu lwa Aroni, ukuti Umwēne ātēndike abapūti aba.” Abēne basulukaga pāsi ukukīnda mu ngulilo. Abēne bābūkāga ku sukulu nukumanyila ukuya balūmbilili na fyōsa bo ifyo. Abene bikusuluka pāsi. Polelo Kyala ābatēndike abapūti bala bo ulu. Abēne bālītēndīke bēne ukuya bapūti, ukwisila mu bumanyi bwābo, ukwisila mu kilingo kyābo, na fyosa bo ifyo. “Lōli u Nnyāmbāla uyu ātēndekīgwe ukuya Mpūti nu lufingo ulu Kyāla āfingīle.” Pilikisya kifuki lilino.

(. . . bātēndekīgwe kisita lufingo; lōli ubu nu lufingo nu mwēne uyu āyobīle ku mwēne, U Ntwa āfingīle kangi atisakupindukāmo, ameni, Ugwe gwe mpūti kwabwīlanabwila ukufuma ndubātiko lwa Melekisedeki.)

Ukwisila mu fīngi Yeso ātēndekīgwe ukuya lusingimīsikisya lwa lwītikanano ulununupo.

Lilino, nakalinga.

Kangi abēne naloliloli bāli bapūti bīngi, panongwa yakuti abēne bakālītikīsīgwe ukukīndilīla panongwa ya bufwe:

Amaelifu ga maelfify ga maelifu, ga bapūti, ’nongwa yakuti abēne balikāli nakamo lōli itolo ubufwe nu bufwe nu bōnywa, kangi ubufwe kangi ubufwe kangi ubufwe.

374 Lōli kētésya Umwēne.

Lōli u nnyāmbāla uyu, (U Nnyāmbāla nki?) Yeso, panongwa yakuti umwēne kingikingi ikukīndilīla

kwasyēpwa, ali nu bupūti ubusitakwānduka. Polelo bali...

Polelo umwēne abagile kōpe ukupoka bala ku bukinda-fyosa; kali ko kutali bulebule, kali bo busolofu nki, ko kubutali bulebule, Umwēne abagile ukupoka ku bukinde-fyōsa; aba bikwisa kwa Kyāla mwa umwene,...

Komma ni...pa bugolofu bwāko; lōli pa bulāto bwāko. Muketile?

...aba bikwisa kwa Kyāla ukwisila mwa umwēne, namanga umwēne ikuya nu būmi bwila ukutēndēka ubwimila-pakati kuli abēne.

Umwēne ali papapa apa, nukukīndilila, ukutēndēka ukwīmīlīla-pakati.

Ukufuma ku luko lwa mpūti unkulumba tulinkuya uswe, uyu yo mwīkēmo, nsitakufulasya, unsitakubwāpulīgwa, gwakupāgulīgwa ukufuma ku batulwanongwa, kangi ukutēndekīgwa Mputi Nkulumba mu Mwānya;

³⁷⁵ Pala icyēne kili. Lilino, linga une ngugela ukwīmīlīla inongwa yāngu nimwēne, une nisakuponjoligwāga pa yēne. Linga une ngugela ukwīmīlīla, tutīgi, “Mulimōsa, u tāta gwāngu āli nnyāmbāla unnu. U tāta gwāngu āli ndumbilili. Mulimōsa, une nitūgēsye mu kipānga.” Une pōpe ndāgile icyēne. Lōli u Nnyāmbala uyu yo mpelesye Yula, Kristi. Umwēne ali pala kangi ikupa i Lilopa Lyāke ukukīndilīla panongwa ya mbibi syāngu. Mwaketa lelo umwe.

Yūyo atikufūmbwa mma ilisiku lililyōsa, bo bala... abapūti, ukupa lōsa amakemo, icyākwaṅda panongwa ya mbibi syāke mwēne, kangi polelo panongwa ya syābāndu: kabuno iki umwene aabombile akabalilo kamo, bo umwene āliyīpile lōsa mwēne.

³⁷⁶ Lilino kētēsya ilināndi ilyabumalikisyo.

Kabuno ululāgilo lukupela abanyāmbāla ukuya bapūti bakulumba aba bali nu bōnywa;...

³⁷⁷ Ikyo kyo iki ululagīlo, ululagīlo lwamumbili, lukubōmba. Lilino, une ngunyonywa une nābagile itolo nāli ni sala kifuki ibili papapa apa. Umo mo mūmo ululagīlo lukāli lukutēndēka abanyāmbala ukuya balūmbilili. Uko ko kotalusya.

³⁷⁸ Fiki, abēne bikuyoba, “Mulimōsa, u nnyāmbala uyu ali nu bwisibile bwaseminale.” Une ngabagile ukusanusania ubwisibile bwāngu ubunini ubwaiyolo Bwakumwanya panongwa ya ma seminale gōsa nkīsu kya pāsi.

³⁷⁹ “Fiki, uswe tummanyisye u nnyāmbala uyu. Umwēne yo—umwēne yo asaligwe nu bāndu. Umwēne yo nnyāmbāla

ugwakwitëndéka-mwēne.” Une ngabagana aba luko lula. Une nunganile u nnyāmbala utekígwe-na-Kyāla. Muketile? Muketile?

³⁸⁰ Lōli ululagílo lukāli lukutëndéka abapūti. Ululagílo lukāli lukutëndéka abalūmbilili. I—i kipānga kya Baptisti, abēne bikupa abalūmbilili; amaboko gīswile na bēne, bali bago makina ili gikusōsya abēne pānja. Aba Methodisti bali nabo abēne. Aba Baptisti bali nabo abēne. Aba Presbeteri, Nazarene, Pilgrim Holiness, Pentecostal, abēne bikusyumbutusya abēne panja nubwēngo na mūmo abēne bābagile, ngati ubulagili ubunywāmu, amakina amanywāmu. Ima mwānya oaka ngati . . .

³⁸¹ Une bwila nāyōbile, “Une—une naloliloli nālīpilike ukuya nsulumanie panongwa ya kakuku ka mmakina gākupānjila.” Umwe mumenye, akanini akaiyolo akakuku aka kapaanjile pasi pa makina gaakupaanjila, umweene akapanjigwa kanunu mma. Umma. Inguku yibagiile ukupaanja inguku. Loli inguku ya mmakina gaakupaanjila, akabalilo kaako umweene ikusooka, umweene iku “kii, kii, kiii,” kangi akaya na maama nyumo ugwakubuukako. Muketile? Umweene akamanya yo mama nki ali. Uko ko kutalusya. Umweene ikukuutila yumo, loli umweene akaya nayo yumo.

³⁸² Loli akakuku aka kapaanjile paasi pa nguku, injila yakipeligwa, umweene ikukuuta kangi mama ikwaamula. Uko ko kutalusya.

³⁸³ Kangi utubalilo tumo une ngwinogona isya iki apa ubwiisibile bwa kuseminale isya kusooka ukufuma paasi pa makina amanywaamu agakupaanjila mu Louisville na moosa nkisu kya paasi, fikupaanja abaluumbilili mmaelifu. Makina gakupaanjila ga Pentekosti, kangi makina gaakupaanjila ga Presbeteri, kangi—kangi makina gaakupaanjila ga kiBaptisti, ifyeene fyoosa fikupaanja panja utwabo—utwabo—utwaabo utukuku utunini. Utweene, “kii, kii, kii,” nukuyoba isya makina gaakupaanjilamo utweene twapaanjiligweemo.

³⁸⁴ Loli une nguloonda ukuya na Tata, u Yuba. Yisayigwege i Ngamu ya Ntwa! Bakaali biingi aba bapaapigwe n aune, loli iki baaliko bo banuguna bangu. Amen. Uswe tulinayo Mama uyu ikwaamula akabalilo kaako ugwe. . . u Mama Yuyo ali ku Mwanya, Yuyo ikuyamama kwa uswe twesa. “Bo muumo inguku yikwaalila pa luubatilo lwaake, nukukolomela ku tweene, kangi—kangi yikuhaha pamwanya pa twaake. . . uluubatilo pamwanya pa tukuku twaake, mo muumo Une nisakuubatila pa mwanya pa umwe. O Yerusalemu, Yerusalemu, kalinga bulebule Une nalondaga ukukuubatila pa ugwe bo yi nguku pa luubatilo lwake! Kalinga bulebule Une nalondaga ukukubatila pa ugwe, loli ugwe utikuloonda. Ugwe gwaali na maseminale gaako, kupaanja panja abapuuti baako. Abeene bakumanyisye ugwe ukulwaana na Une. Lilino ugwe ulekiigwe

pa gwimweene. Uloonangiko lwaako lulambalele pankyeeni pa ugwe.”

³⁸⁵ Lilino une nguyoba iki: O, baandu, o, bandu, kalinga bulebule u Mbepo Mwikemo aalondaga ukuubatila pa umwe, bo yi nguku yikubombela pa luubatilo lwaake, loli umwe mukuloonda injila yinu mwiibene, umwe mukuyaga pakuya ni njila yiinu mwiibene isya ikyeene!

³⁸⁶ Ikilo kimo kyai ifi une nguloonda ukuluumbilila pa, “Injila yaako gwiimwene.” Umwe mumenye, Kaini aaloondaga injila yaake mweene. U mundu ikuloonda injila yaake mweene, umwiisyugu. “Looli yilipo injila iyi yikuboneka ndalusye, looli ubumalikisyo bo bufwe.”

³⁸⁷ Lilino ketesya. “Muli ikyo Umweene ikuyoba, ‘Ulupya—ulupya ulwiitikano . . .’” Une ngusuubila, lilino ukuti . . . Umma. Une naali pa buyo ubusobi.

³⁸⁸ Ilinandi Iya 28.

Kabuno ululagilo lukuteendeka abanyaambala ukuya bapuuti abakulumba aba bali ni fiboonywa; looli ilisyu lwa lufingo, ili lyaaliko ukufuma kula ku lulagilo, likuteendeka u Mwanundumiana, yuyo ikukiindilila kwa bwilanabwila ukongelela.

³⁸⁹ Kyala asayigweege kwa bwilanabwila, isya Mwanundumiana uyu ikukiindilila kwa bwilanabwila ukufuma ku lubaatiko lwa Melekisedeki. Kangi Umweene akaalimo siku nu bwaandilo. Umweene akayaamo siku nu bumalikisyo. Kangi ululagilo lukatwelema nakimo bi ikyo, panongwa yakuti ulweene lwaali lwamumbili. Ikipanga kikaabagiile ukutwalamo nakimo bo ikyo, ifipaanga ifipaaguke, panongwa yakuti abeene bamumbili. Imi—imi seminale gikabagilamo siku ukutwaala kalikosa boa ko. Abeene baagelile ukumanyisya ikiisu ku Lyeene. Abeene baagelile ukukipaangania ikyeene ku Lyeene. Abeene bagalelile injila yiliyosa nkiisu, ukuteendeke kilikyosa iki abeene baabagiile, kangi ukuleka ikindu ikyaanaloli: “Ugwe ubagiile ukupaapigwa mu Kyeene.” Kyala ikukuteendeka ugwe iki ugwe guli, naloliloli, komma panongwa yakuti ugwe gwaalekile ukubomba *iki*.

³⁹⁰ Lilino, aba Nazarene, umwe mukufimbilisigwa ukusita kufwaala ulusambo, umwe mukabagila ukufwala i wotchi, kangi umwe mukufimbilisigwa ukuya ni findu *fyakuti-nafyaluti*, ingongi syiinu sibagile ukuya ndali bo *ulu*, amaboko gaadiresi, i kifunga kyiiinu kikufimbilisigwa ukuya kitali bo *lula*, kangi a—kangi a banyaambala bakabagila ukuya mbakasya sya kubugono. Kangi abeene batisakukoosya ugwe linga ugwe utikubomba. Umma ndaga. Apa ikwiisa u Nkatolika muno, kangi abeene bali nafyo ifyaabo. Kangi apa ikwiisa ugwa kiMethodisti muno, abeene balinafyo ifyaabo. Aligwesa

gwa beene bali ni kyakugelela ukugelelako. Linga ugwe utikufwaanisa ikyeene, umma ndaga, isyo syo syoosa. Muketile?

³⁹¹ Kangi Polelo, looli ikindu kyanaloliloli kyo, kyo iki, “Nakimo mmaboko gaangu une ngutwaala! Itolo ki kipingika Kyaako une ngwibabilila. O Kyala, ngelebune, mfulele, ngufumbwa ulupaakisyo. O, une nukwiiyuufya fiyo ngwisa, Kristi, ngulata ukuti une ngaya nakimo kangi kikayapo nakimo mw aune. Nyaambilila une, O Kyala.” Polelo Kyala ikukwambililaga ugwe.

³⁹² Lilino, ugwe lumo ukabagila nukumanya aba ABC baako. Ugwe lumo ukabagila ukumanya kofi ukufuma ku ndima imbaatule. Ugwe lumo kumanya, kisita kumanya ulutembatamba ukufuma ku masulu, kiililo ukufuma ku kiboko kimama. Ikyeene kitikuteendeka ubukiindane iki ugwe *ukakimanya*. Kilipo ikindu kimokyeene ugwe *kufimbilisigwa* ukumanya, ukuti Yeso Kristi aalyegile ubuyo bwaako ukuya ntulwanongwa. Kangi ugwe ega ubuyo bwaako, ukwiima mu bugolofu Bwaake, ukwiilata ilisiku lililyoosa ukuti ugwe uli nsobi, kangi nganaga Umwene ni ndumbula yaako yoosa, kangi ifundo yaako yoosa yiyege yibiikigwe kuli Umweene, ugwe kwisakufwaanisa ku Mwanja. Ifyo fyooza filiko ku kyeene, kabuno u Buumi ubu bwaali mwa Kristi bukufimbilisigwa ukuyo mwa ugwe, kisita ikyo ugwe utaagiigwe.

³⁹³ Itolo bo tukaali ukwiigala, ngimba umwe mukukumbukila ulwiitikano ulusita lulumbusyo ulu Kyala aateendike na Abraham? Ngimba Umwene abombile fiki amayolo gala akabalilo kako Kyala alinkuyoba, “Unko une ngete...” Akabalilo kako Abrahamu alinkuyoba, “Unko une ngete muumo Ugwe kubombelaga ikyeene.” Untu gwa 16, une ngwinogona ugweene go gugo, ugwa Bwaandilo. “Unko une ngete muumo Ugwe kubombelaga ikyeene.”

³⁹⁴ Alinkuti, “Isaga kuno, Abraham.” Kangi Umweene alinkummwegela Abraham panja, alinkuti, “Buuka kanyegele Une i—i ng’osi innyaambala, kangi buuka kanyegele Une i—i mbene, kangi buuka kanyegele une ingwata. Kangi une ngulonda ugwe ukufyegela ifyene kumwanya kuno kangi teendeka ilikemo.”

³⁹⁵ Kangi Abraham alinkubuka kangi alikutwaala ing’osi, kangi i—kangi i mbene, kangi a—a—a kang’osi, pamo, ingwaata. Kangi umweene alinkufigoga ifyeene. Ifyeene fyaali fyooza fikemo ifipelesye. Kangi alinkuyabania ifyeene pakati mfibili, nukufilaambalika ifyeene paanja. Polelo umweene alinkubuuka nukwakwega ingungubiya, nukusibikamo isyeene mula. Polelo Abraham alinkusibiinga injuni ukusikaga pa fyeene, ikuguulila Kyaala ukwiisa. “Lilino, Ntwa, apa lilipo i likemo, ngimba Ugwe kubombaga bulebule iki? Une ngamanya muumo Ugwe kuyiilaga ukumpoka umuundu ukulwana nu bwiigane bwaake.

Une ngamanya mumo Ugwe kubombelaga iki. Ngimba Ugwe ubagile ukubomba bulebule icyene, Ntwa?”

³⁹⁶ Untwa aayobile, “Lilino ketesya, Abrahamu. Ugwe gwe nsololi. Ugwe gwe gwamwambepo, kangu ugwe kupilikisyaga iki une nguyobelapo.”

³⁹⁷ “Umma ndaga, Ntwa, une nguloonda ukukeeta.” Lilino une ngwegelela itolo.

³⁹⁸ “Popaapo, Abraham, ugwe fyukila ku bwa kuno lilino, kangu ituugasya pasi apa kangu keetesya nukubiinga injuni nukusikaga.” Popaapo umwene alinkusikaga injuni syoosa ukusikaga, mpaka ilisuba lyaalyandile ukwiingila paasi.

³⁹⁹ Kangu ikindu ikyaakwanda umwe mumenye, Kyala alinkusuluka paasi. Akabalilo kaako Umweene aasulwike paasi, Abraham alinkwanda ukuya gwaatulo. Kyala alinkuti, “Abraham, Une ngukubiikaga ugwe ntulo.”

⁴⁰⁰ Lilino pilikisya, gwe mwiinangu gwandagilo. Muketile, Kyala alinsosisyepo Abraham ukufuma pa kipicha, nakimo loosa umweene afimbilisigwaga ukuboomba mu kyeene. Kangu iyo yo njila Umweene akwaagiile ugwe. Ugwe gwaayobile, “O, une nalindondile Kyaala.” Ugwe ukaaboombilemo.

⁴⁰¹ Kyala aakuloondile ugwe, “Nayumo umundu abagile ukwisa ku Myangu penepapo Tata Gwangu ikunkwaba umwene taasi.” Muketile?

⁴⁰² Ikyeene yo Kyala ikukulondalonda ugwe, komma ugwe ukundondalonda Kyala. Ugwe naloli ukubaboombamo ikyeene. Ubupeligwa bwaako busobi. Ugwe gwe ngulube. Ugwe ukumanya nubukiindane nabumo. Ugwe kwituugasya itolo nkibaga kya ngulube. Ikyo kyo fyoosa ifi ugwe ufimenye. Ugwe ukiganile ikyeene. Ukunwa ubwalwa, ukupepeluka ukusyungutula, ukwendendeka nu nkasi gwa nnyambala umpalamani, kangu ukuboomba kilikyosa ugwe ubagiile ukuboomba, itolo kikuboneka kinunu. “O, nkundwe, uswe tuli nako akabalilo akanywamu!” Ugwe kwinoona ukuti icyene kyo kinunu.

⁴⁰³ Loli Kyala nu kukung’usya pa ndumbula yako. [Nkundwe Branham ikukung’usya pa kigemo—Nsimbi.] Ikyo kyo iki kikwaandula. Komma ugwe ukukung’usya kwa Kyala; Kyala ikukung’usya kwa ugwe. Adamu akakung’wisyemo siku ku ndumbula ya Kyala; Kyala aakung’usisye ku ndumbula ya Adam. Kangu ugwe gwe mwanundumiana gwa Adamu. Uko ko kutalusya. Bo Adamu akaabagile ukuya mwanundumiana gwa Kyala, kangu, Kyala alinkufimbilisigwa ukukung’usya pa ndumbula yake. Bo ugwe ukali ukuya mwanundumiana gwa Kyala, Kyala ikufimbilisigwa ukukung’usya ku ndumbula yako.

⁴⁰⁴ Polelo, Abraham alinkubuuka ntulo. Kangu akabalilo kaako umweene aabuukile ku tulo, ngimba ikiindu kyaakwanda iki

umweene aakeetile kyaali fiki? Iyanaloliloli imbiibi, insisya, ingiisi yakutetemesya. Ubo bo ufwa, ubu bukwiisa pa luko lwa baandu loosa. Polelo umweene alinkukeeta panini ukukindapo pala, kangi umweene alinkukeeta ing'ango ya lyoosi. Bo ugwe ubagiile ukuya ni lyoosi, ugwe kufiimbilisigwa ukuya nu moto. Iyo yo nongwa une ngwitika mu gehena ukuya buyo bwakupy'umoto. Umma ndaga.

⁴⁰⁵ Umweene aanaangisye, aligwesa gwa uswe tuli paasi pa bufwe, kangi aligwesa gwa uswe tubagiile ukubuuka ku gehena, panongwa yakuti uswe yoswe batulanongwa.

⁴⁰⁶ Lilino, looli, ukukiinda apa, umweene alinkukeeta akanini, u Lumuli ulweelu.

⁴⁰⁷ Kangi akanini aka, u Lumuli ulweelu, ngimba u Lumuli lo fiki? Ngimba u Lumuli ulweelu lula lwaali fiki? I Mbanda ya Moto yila iyi yaabuukile pankyeni pa ban aba Israeli. I Mbanda ya Moto iyi yalyaageene na Pauli pa nswebwe gwakusulukila ku Damaasi. I Mbanda ya Moto iyi yaalinsoosisye Peteri ukufumu mminyololo. I Mbanda ya Moto iyi yili apa ikilo iki.

⁴⁰⁸ Yula Gwasyepwa, nsitakumalika Kyala, Umweene Mweene alinkwenda ukukiinda amakemo amatumukano aga, (o, mwe), ukubuka nu kugomokela pa lililyoosa lya ageene. "Umo mu muno Une ngumbombelaga ikyene, Abrahamu. Ngeetesya Une, iki une ngwisakubombaga. Une nguteendeka ulwiitikano apa. Kangi une ngwegaga ulufiingo, ukuti, ukufwana nu Luyungu, Une nisakufyuusyaga u Mwimililapakati. Une ngwisakupelaga ulwiitikano nu bufwe. Kangi Une nisakukemelaga ubufwe, mu mbili, panongwa yakuti Une Nimweene nisakusoosyangamo iyene. Abraham," alinkuti, "ukwisila mu Luyungu lwaako, Abraham, mwisakwiisa, ugwe kwisakuyaga taata gwa kiisu, ukwisila mu Luyungu lwaako. Kangi komma na yuyugwe gwimwene, ukuti Une ngupela ulufiingo na ugwe, looli nu Luyungu lwaako ukufuma pa ugwe." Umweene aamenye aligweesa ayaga pakuya. "Komma *abeene*; looli iki Une nguboomba. Une ngukiboombaga ikyeene, Abraham. Une nalinsuubile Adam, kangi umweene alinkukibongotola ulwaake. Kangi aligwesa ikubongotola ulwaabo. Looli une nisakuteendeka ulu na Niimweene, nukulapa pa Nimweene, 'Une nisakukyuunga Ulweene.'" Ameni. Ameni. Ameni.

⁴⁰⁹ Ngimba uswe tukuboomba fiki, uswe tukuteendeka ulwiitikano? Une nguyoba, "Nkundwe Neville..." Lilino kétésye iki, itolo i miniti. Une nguyoba, "Nkundwe Neville, ngukubula ugwe iki une nisakubōmba. Linga ugwe kwisakulūmbilila mpaka... ikilo kya kilābo, kangi ikilo ikikōnge, ukukīndilila mpaka Kitatu, Une ngulumbililaga, ukufuma pa Kitatu, ukukīndilila mpaka paNdungu." [Ubuyo busitakandu pa tepi—Nsimbi.] "Umwe mukutēndeka ukwitikisania?"

410 “Ena, nkulumba.”

411 Apo mo mūmo uswe tukubōmbéla ikyēne. “Yugānia, ndumiana.” Ikyo kyo ikyēne. Ulo lo lwītikáno mu America. Umo mo muno uswe tukutēndekéla u lwītikáno.

412 Lilino, bo bulebule abēne bikutēndekéla ulwītikáno mu Japan? Uswe tukutēndéka, tuyobe, “Ugwe kubōmba *ikyakuti-na-kyakuti* kangi une nisakubōmba *ikyakuti-na-kyakuti*.” Uswe tukwēga akatite kanunu ka mūnyu, nongwa yakuti u mūnyu go kyakunogesya. Kangi uswe tukwēga u mūnyu, kangi une ngugusopa ugwēne pa Nkundwe Neville, kangi Nkundwe Neville ikwega umūnyu—umūnyu nukugusōpa ugwēne kwa une. Ulo lo lwītikáno ulwakupinya.

413 Ngimba u David Livingstone ābombile bulebule ukutēndéka u lwītikáno nu nnegro gwa ku Africa, ukubūka nkisu kyāke? Umwēne ābūkile nukwakufika ku mwalafyale, ukuti umwēne ābagīle ukukīndamo mula, ukulūmbilila i Nongwainunu nukubōmbamo imbombo. Kangi abēne bēgāga ikikopo kya bwālwa. Apa lo lwītikáno nu nnegro gwa mu Africa. Abēne bāli ni kikopo kya bwālwa. Kangi u mwalafyale gwa ki nnegro atumulaga indepa syāke syēne, nukōnela ililopa syāke panja mu kikopo kya bwālwa. Kangi David Livingstone alinkutumula indepa syāke mwēne, kangi alinkusululīsyā ililop lyāke panja mu kikopo kya bwālwa. Abēne bāfuluganiāga ubwēne. Livingstone ānwāga sinda gwa ubwēne, kangi umwalafyale gwa kinetro ānwāga sinda gwa ubwēne. Polelo abēne bāpānāga ikyābūpi, yumo ku nnine. U mwalafyale gwa ki negro, David Livingstone alinkuti, “Ngimba ugwe kulōndāga fiki ukufuma kwa une?”

414 Umwene alinkuti, “Ikijāsi ikyēlu ikyo iki ugwe ufwēle.” Polelo Livingstone āfūlāga ikijāsi kyāke nukukipa ikyēne ku mwalafyale ugwa kinetro. Umwēne alinkuti, “Ngimba ugwe kulōnda fiki?”

415 Umwēne alinkuti, “Ingwebo iyo insinsya iyi ugwe ulinanyo nkiboko kyāko.” Nongwa yakuti, umwēne āmenye umwēne ābagīle ukwīngila nkati na yila, popāpo umwēne ālyēgīle ingwebo yila. Kangi abēne bāli bakundwe, panongwa yakuti abēne batēndīke u lwītikáno.

416 Kangi bo umwēne ābūkaga pānja, kangi uluko lwa bāndu lwabopāga panja ukungoga umwēne, umwēne afyūsyāga mmwanya ingwēbo insisya yila. Kangi akabalilo kāko umwēne ābombāga, abēne bākētāga nukuyoba, “O, o, uswe tukabagīla ukumpalamasya unnyāmbāla yula.” Fiki? “Umwēne yo nkundwe gwalwītikáno, palema nalinga umwēne mwēlu, uswe tukambonamo siku umwēne.” Abēne bakamenyemo siku ukuti abēne bāli batitu mpaka abēne bālimbwēne umwēne. Abēne bakābabwenēmo siku aba luko lula. “Lōli umwēne yo nkundwe gwalwītikáno. Umwēne ni ngwēbo ya mwalafyale nkiboko kyāke.”

417 Kyo kipicha ikimogi kiki, umwisyúgu, ikya kunwa i Lilopa lyalwítikáno lya Ntwa Yeso, nu maka ga Mbepo Mwikemo pa uswe! Uswe tukubũka nkyène mu Ngamu ya Yeso, kangi ifimanyilo ifi fisakukônga abène aba balinkati. Iyène yo Ngwêbo insisya iya Mwalafyále. Muketile mũmo ikyène kiyilíle, u lwítikáno?

418 Ngimba abène bábombaga bulebule nkabalilo busòkelo? Abène bāténdekága ulufingo, yumo ku nnine. Abène bagogaga ikinyamana, ukukeka nukwígúla, nukwíma itolo pakatikati. Aba—aba nyāmbala babili bímága pakatikati pa kyène, ikinyamana ikiyíguligwe. Kangi abène basimbaga mōsa u lwítikáno. “Linga une ngutoligwa ukukyūnga iki, linga une ngutoligwa ukubōmba iki, fiki, iki kangi *kyakuti-na-kyakuti*, unko umbili gwāngu guyege bo kinyamama ikifwāno iki. Unko u mbili gwāngu guyege ngati kinyamana ikifwāno iki.” Kangi akabalilo kāko abène bikubōmba ikyo, abène bikwēga ulwítikáno ulu nukwíma pakatikati pa iki; ukuténdeka ulufingo, ukwēga ulufingo ukuti bēne bisakubōmba ikyène. Kangi abène bikulepula akakalatasi, palikimo, ukutāfulania, nukukibika nkiboko kya nnyāmbála yumo, uyungi yula yo gwakukônga. Pa kabalilo kamo abène bisakwāgána. Kangi unko abène bafwe ubufwe, linga abène bikutoligwa ukukyūnga ulufingo lula; nukuya bo finyāmána ififwāno fila. Umma ndaga.

419 Umwe mukukētésya ifinyamana fitatu? Ifipelelesye; ing’osi, imbene, kangi ilikemo itatu ilipelelesye. Ngimba akang’osi káli fiki. . . Ngimba ingungubiya yáli fiki? Kangi ngimba ingungubiya sibili syasanusyaga fiki? Ingungubiya sibili syābikigwe panongwa ya fyosa-fibili bupoki nu lubumbulusyo, nu kila—mi kila. . . ifi fyālingile mu yène. Muketile? Uhōmbo syābōmbigwe mbukīndáne, lōli ulubūmbulusyo lwakīndilíle lulalula, kangi mo mũmo bwābōmbíle ubupoki bwākīndilíle lulalula. Ingungubiya ibili, kisitakuyabanisigwa, fyasanusyaga isyène simililága, fyosa-fibili. Bupoki. . . “Ni fulasigwe Syake uswe twagangwike. Umwene aafulele panongwa ya mbibi syitu. Ni fulasigwe Syake uswe twagangwike.” Isyène syalāmbalikigwe pa lubafu, komma ukutapuligwa. Lōli ulwítikáno, ikiyabo kya kinyamana kyāli (fitatu ifya ifyène) fyatumuligwe ukupāgulánia. Umwe muketile? Polelo akabalilo kāko abène bābōmbíle kila, abène balepulága nukuténdeka ulwítikáno lwābo.

420 Kētésya iki Kyāla āmbūlága Abraham: “Ku Kalvari, ku Kalvari, ukufwana nu Luyungu lwāko. Ukufuma mwa ugwe ikwīsa Isaki, ukufuma mwa Isaki ikwīsa *Gwakuti-na-gwakuti*, Yākóbo, ukufuma mwa Yākóbo ikwīsa Yosefu, ukufuma mwa Yoseph, ukukīndilíla pāsi, ukukīndilíla pāsi, ukukīndilíla pāsi, abīngila kilingo, mpaka, kubumalikisyo, ukukīndu u Luyungu ulugolofu lula!” Iyāke. . .

421 Umwēne āmalile itolo, apa, ukuyoba ukuti u Ntwa gwītu

ātupwīke ukufuma nkikolo iki kikāmenye. Mōse nasiku nukuyobámo isya icyēne mma, ukusōka ukufuma ku bupūti. “U Ntwa gwītu ātupwīke ukufuma ku kikolo kya Yūda.” Komma ukufuma mwa Levi, kabuno abēne bāli bāmumbīli bāndagīlo. Lōli u Ntwa gwītu ālisīle ukufuma mwa Yūda. Lwīmīko! Mwaketa umwe lelo. Kūko ulufingw lwātēndekīgwe!

⁴²² Pilikisya kifuki lilino, bo uswe tukwigala. Kangi pa Kalvari, Kyala alinkusuluka nukwēga umbili gwa Mwanundumiana Gwake Mwene, mu gūgo Umwēne ālitugasyēmo, kangi Umwēne alinkulafulania ugwēne ukupāgulānia pa Kalvari. Ukōn’lilopa kwāke, afulēla, akekīgwe, kangi ingwēbo yēndilemo mula nukundepulania Umwēne pakati, kangi i Lilopa Lyāke lilinkōnekela pānja. Kangi Umwēne alinkuti, “Tāta, mmaboko Gāko Une ngubīka u Mbepo Gwāngu.” Umwēne alinkwīnama untu Gwāke. Kangi ikīsu kilinkuyaganisigwa, ni fimulimuli filinkumulika, ni fitayataya filinkulūndúma. Kyāla āsīmbāga u lwītīkāno Lwāke ulusitakumalika.

⁴²³ Kangi Umwēne ālyēgīle umbili Gwāke umfwāno ukufuma ku lipūmba, pisiku lyākwānda lwa ndungu, nukugutwāla ugwēne ku Mwanya, nukwitūgasya ugwēne kula ukuya Mputi Nkulumba, ukuya kyakukumbukilapo; itugesye kula, mpelelesye, kwabwailanabwila. Kangi Umwēne alinkutuma u Mbepo uyu ālepulēnie ukufuma mu mbili gula, ukugomokela itolo pāsi ku Kipānga. Kangi i Kipānga kila kiagīle ukuya nu Mbepo yulayula uyu āli mu mbili gula, kisita ikyo icyēne kitisakufwanikisania nu Mwēne mbusyūke. Ifipatu fibili fila fikufimbilisigwa ukwīsa nubupelelesye palikimo. Kangi linga i Kipānga iki kikaya nubupelelesye, itolo katikati u Mbepo yulayula uyu aali mwa Kristi, ugwe utisakuyamo siku mu Kunyakiligwa.

⁴²⁴ Apo po lulipo ulwītīkāno ulusitakumalika, nkundwe. Lulōndesya ulwēne mōsa, gwīmwēne, iki kili mu ndumbula yāko. Ngana u Ntwa. Naloliloli yaga nsinsimikisi ugwe upokīgwe. Komma ukwēgela ulusako pa kyēne. Ugwe kulagusya. O, umwe, uswe twe bāndu ba America, twīganile pakulagusya, lōli komma ukulagusya pa Ikyo. Ugwe yaga nsinsimikisi ukuti ugwe utalwīsyē. Komma panongwa yakuti ugwe gwālīngīle ikipānga, lōli panongwa yakuti ugwe gwe naloliloli upāpīgwe akakibili, Kristi isile kwa ugwe, mu Mūndu gwa Mbepo Mwikemo.

⁴²⁵ Lilino, itolo ukongelelāpo, kangi, itolo bo une ngwīgala. Mumo uswe tubagīle ukuya bahobofu bulebule ukuya, ukuketa u Mbepo yulayula uyu aali mwa Yeso Kristi, papapa pakati pa uswe, ikubōmba ifindu filafila ifi Umwēne ābōmbīle akabalilo kāko Umwēne āli apa pa kīsu! Mūmo uswe tubagīle ukuya bahobofu!

Unko uswe twipute lilino, bo uswe tukwinamisya imitu gyitu.

426 Ntwa, ilyène lyáli lisiku ilikulumba. Palema nalinga, une ngwipilika ngati une bwíla ngubõmba, une ngutoligwa. Une ngabagíla ukwimilisa Ilyène nubutalusye, Ntwa. Une ngusûma ukuti Ugwe kunhobokelaga une panongwa ya njila syāngu indoyofu. O, une ngulāta imbībi syāngu pankyēni pa Ugwe, kangi ngusûma ikisa kyāko, tumēnye ukuti alipo unkulumba u Mputi u Nkulumba imile pala ku kuboko kya Kyāla ikililo, ku Mwanya, Yūyo akāpeligwe ngati Aroni, ukufuma ku ndagilo ni ngomelesyo ni findu. Lōli Umwēne ālitūgésye Kula panongwa ya ipyāna lya Kyāla ili lyākételága nkyēni, bo lukāli lukāligwa ulwālo lwa kisu, kangi alimbwēne une pāsi apa nkisu, nukufwíla imbībi syāngu, ukungomokesya une ku Kitangalala kya Kyala. Une ngukupalisa Ugwe, Tata, nongwa ya iki.

427 Nongwa yakuti, u Mbepo uyu uyu lilino ikulagila mbandu Bāko yo Gwasyēpwa mūmu Kyāla yo Gwasyēpwa. “Une ngubapa abēne u Būmi Bwasyēpwa, u Būbu bwa siku, u Būmi busitakumalikamo, kangi abēne batisakupyūtigwāmo siku.” Kangi pa Bulōngi, abēne batisakuyapo pala mma. Abēne babōmbile bakīlenie u bulongi. Abēne babūkīle nkyēni mu Lwīmiko. “Kangi linga ikitēmbē kyapakisu kikubongotoka, uswe tuli nakyo kimo kitalile kikugūlila kwīsilya kuli uswe ukwīsako.” Ndaga Ugwe panongwa ya ikyo, Ntwa.

428 Une ngusûma lilino, linga pabagíle ukuyapo yumo apa, ikilo iki, yūyo akāli akanwamo siku i Lilopa ilyanaloliloli ilya lwītíkano, yuyu atikumanya iki Ilyène likusanusya, akamanya iki ikyēne kikusanusya ukuya mpāpigwe kabubili, ukuya nu bulīlanisi na Kristi mu ndumbula syābo, pamo mu ndumbula yāke unkikūlu, abēne bali ambulilága Umwēne itolo lilino, bo uswe tukugūlila nukupa ulusako ulu. Kangi pa Lisiku lila, uswe tukusûma uswe twimilile i Nongwainunu mu Lumuli ulutalusye. Uswe tukusûma, mu Ngamu ya Kristi.

429 Akabalilo kāko uswe twinamísye imitu gyitu, ngimba pabagíle ukuyapo u mūndu yumo abagíle ukufyūsya amaboko gīnu kwa Kristi, nukuyoba, “Kristi gwa Kyāla, yaga gwākisa kwa une. Unko une, bo gwambombo Gwāko nsitakubagila, lilino nāmbilile Mbepo Mwikemo mu ndumbula yāngu. Kangi mbapo une ubusisimikisi nu lugano ulu unu naloliloli mfumbilwe”? Linga ugwe ukaya naŷo Umwēne, ngimba ugwe ubagíle ukufyusya amaboko ginu ku Mwene, kuyoba, “Ntwa, kyo kimanyilo iki une ngukinyonywa Ikyene”? Ngimba ugwe ubagile ukufyusya ikiboko kyako? Kyala akusaye ugwe kunyuma kula, nkikulu. Kyala akusaye ugwe, nkulumba. Akusaye ugwe, nkulumba. Kyala ayege na nugwe. Ikyo kyo kinunu. Unnyambala uyu pabumalikisyo apa, Kyala akusaye ugwe, nkundwe gwangu. Kangi yumo uyungi, itolo bo tukāli ukwīgala,

itolo ukugũlĩla utubalilo tunini. Kyala akusaye ugwe kunyuma kula, mwanundumiana. Yumo uyungi?

⁴³⁰ “Une lilino ngunyonywa. Une ngunyonywa, Ntwa Kyāla. Ugwe umenye indũmbula yāngu. Ugwe umēnye iki kili mu lĩnogono lyāngu. Ugwe, ‘U Mbepo gwa Kyala yo mwengo ukukindapo kangi mpyasye ukukindapo ukukinda ingwebo imbyasye kubili-kosa, kōpe nukulasa kukuswanyulania kwa mafuta ga nkifupa, kangi u Nketela-ngāni gwa nyinogono sya mu ndumbula.’” Inogona isya Ikyo. Umwēne amenye inyinogona syāko silasila, inyĩgāne syāko.

⁴³¹ Ngimba ugwe ubagile ukufyusya ikiboko kyako? Yoba, “Yaga gwākisa kwa une, Kyala, papapa lilino. Une—une ngulōnda Ugwe ukumanya ukuti une mmenye ukuti une nsobile, kangi une ngukyāgānia ikyēne, lōli une ngulōnda ukuya nnunu.” Umma ndaga, akabalilo kāko uswe itolo tukumulisya ukwinamisya imitu gyĩtu, ukwĩpũta lilino, inogona itolo akabalilo. Uswe tutikulōnda ukubopela ukufwana na ikyo.

Lyalabwe lya Ngulilo, ling’alukĩle une,

Unko une nĩfisemo mwa Ugwe;

Unko amisi ni Lilopa,

Ukufuma kulubafu Lwāko ulusulule . . .

Luliyaga lwa mbĩbi kabilikosa . . .

(Lubũbulusyo lwa kabilikosa, Umwēne
āfĩngĩle pa kyēne, ifindu fibili
ifisitakwānduligwa.)

Mbonesya ukufuma ku bugāsi nukumbela une
mpelelesye.

Akabalilo kāko une ngutũya . . .

⁴³² O Ntwa, pāga itolo lilino ukuti uswe twisakusyāgania ukuti imitũyo igi gĩgyo uswe uswe tukufwēngēla gikwēlēla. Uswe tukamanya milĩnga ukōngelelāpo uswe tuliagyo pankyēni pa uswe. Ifyo fyo fyōsa ukwisila mu bulagili Bwāko ubukulumba. Ikyēne kikubātikigwa na Ugwe. O, yaga ni kisa kwa uswe. Kangi ku bala bābo bāfyūsĩsya amaboko gābo, Ntwa, kukayapo ukufũmbwa ukubayoba ingamu syāba. Ugwe umenye aligwesa gwa bēne. Lōli une itolo ngupa ulwĩpũto ulu ulwa kwimililapakati kuli abēne. Une ngusũma ukuti Ugwe kusōsyāga ukutobesigwa kwa ndumbula syābo, nukubītikĩsya abēne ukwĩsa nubukifu, itolo lilino, ku Kikota; ukwēnda nubukifu kulakula ku Kikota kya Kyāla, ukwāmbilila ikyābũoi kyābo ikipigwe-na-Kyāla. Ugwe ubapelĩle abēne ukufyūsya amaboko gābo. Abene balinkutōligwa ukubōmba ikyēne pa bene. Kangi une ngusuma, Kyala, ukuti Ugwe kupaga iki mu Ngamu ya Yeso. Amenĩ.

. . . nimwene mwa Ugwe;

Lilino, mpalaga itolo Umwene lilino.

Unko amisi kangi . . . (O, mwe!)

Ukufuma mu lubafu Lwāko aga gōnekāga
 Gayege ga bōnangi ukupolesya kabili,
 Ukupoka ukufuma ku bugāsi nukumbela une
 mpelelesye.

433 Balinga bikwipilika naloliloli kanunu lilino? Fyusya ikiboko kyako, yoba, “Ntufye Untwa!” [Ikilundilo kikuyoba, “Ntufye u Ntwa!”—Nsimbi.] O, Umwēne yo gwakuswigisya! Oko!

Yilipo I Fwasi Pa Nyibuko. Ngimba ulumēnye ulwēne, Kalumbu Gertie? Unko uswe. Balinga baluganile ulwimbo lula? Lilino uswe tukuyaga nalo ulukomāno lwa lōsyo, itolo nkabalilo. (Ugwe kubōsyāga abēne?) Umma ndaga.

. . . buyo, ena, bulipo ubuyo,
 Bulipo ubuyo ku Nyibuko kwa ugwe;
 Buyo, buyo . . .

434 Umma ndaga. Bala abāndu aba bikulōnda ukōsīgwa, abanyāmbāla bikubūka ikyūmba *iki*, abakīkūlu *iki* apa, umma ndaga, bala bābo bikōsigwāga mu Ngamu insayigwa ya Ntwa gwītu.

. . . kyo kinununki kwa ugwe,
 Bulipo ubuyo ku Nyibuko kwa ugwe;
 Kyala aali nnuu kwa une,
 Bulipo ubuyo pa Nyibuko kwa ugwe.

435 Aligwesa lilino:

Buyo, buyo, ena, bulipo ubuyo,
 Bulipo ubuyo ku Nyibuko kwa ugwe;
 O, buyo, buyo, ena, bulipo ubuyo,
 Bulipo ubuyo pa Nyibuko kwa ugwe.

436 O, une nduganile ulwimbo ulwaiyolo lula. Bule umwe?

Bulipo ubuyo ku Nyibuko kwa ugwe;
 O, buyo, bulipo ubuyo, bulipo ubuyo bubwīngi,
 Bulipo ubuyo ku Nyibuko.

437 Lilino, akabalilo kāko unkulumba īngīle nkati, ukwitēdekésya ulōsyo, une ngulōnda ukulīngānia ku kilūndīlo. Kangi une ngusūmāga bamo mwa balindililakipanga, linga abēne babagīle ukumbilika une nkyūmba, akabalilo kāko abēne bītendekīsye, isaga nu—nu kumbula une, kangi popāpo uswe tubagīle ukusāmīsyā ikyakuyobelapo. Uswe tukulōnda mwesa ba umwe ukukibona iki. Kiliyaga kifuki amaminiti kalongo ukuyapo kotalipo, kangi ikipānga kisakulūndusigwāgwa.

438 Lilino une ngulonda ukubala amanandi ga Masimbo amakemesīgwe kwa umwe. Une ngulonda ukubala Agene ukufuma kwa Buku gwa Imbombo. Kangi une ngulonda ukwānda pa manandi ga 12 aga ntu gwa 2 gwa Imbombo.

439 Lilino, une ngulonda umwe muketesye mu ntu gwa 16 gwa Mwikemo Luka, pamo gwa Mwikemo Matai, une ngusūbīla

ikyēne kyo kili, apa Yeso āsōkāga panja pa kyāmba. Abene. . . Alinkuti ku bafundigwa Bwake, “Ngimba abanyambala bikuyoba Une ne Mwanundumiana gwa mundu ne ywāni?”

⁴⁴⁰ “Kangi bamo mwa bēne balinkuyoba, fiki, Ugwe gwe ‘Eliya.’ Kangi bamo bikuyoba ukuti Ugwe gwe—Ugwe gwe ‘Nsololi yula.’ Kangi bamo bikuyoba ukuti Ugwe gwe *iki* pamo *ikingi*.”

⁴⁴¹ Umwene alinkuti, “Loli ngimba Ywani umwe mukuyoba ukuti Une ndi?”

⁴⁴² Kangi Peteri alinkuti, “Ugwe gwe Kristi, Mwanundumiana gwa Kyāla gwabumi.” Uko kotalusya?

⁴⁴³ Yeso alinkuyoba, “Nsayigwa uli ugwe, Simoni Mwanga-gwa-yōna, kabuno umbili ni lilopa fikasetula iki. Ugwe ukamanyilamo siku ku sukulu. Ugwe ukamanyilamo siku Ikyēne nu mūndu.” Alinkuti, “Lōli Tāta Gwāngu uyu ali ku Mwanya yo asetwile iki kwa ugwe. Kangi Une nguyoba ukuti ugwe gwe Peteri. Pamwanya pa lyālabwe ili Une nisakuyēnga i Kipānga Kyāngu. Ifipata fya gehena fitisakukitola Ikyēne mma. Kangi une ngupaga kwa ugwe ifungulilo sya Kitangalala kya ku Mwanya.” Ngimba isyo ndalusye? “Kangi kilikyōsa iki kwabulaga pa kīsu, Une nisakwābulāga ikyēne ku Mwanya. Iki ugwe kupinya pa kīsu, Une nisakupinyāga ikyēne ku Mwanya.” Ngimba Umwēne āsanusyāga Ikyēne? Umwēne angali akayoba Ikyēne. Lilino, bo akabalilo kakīndililāga, lilino, Peteri āli ni fungulilo ku Kitāngalāla.

⁴⁴⁴ Lilino, umwe bandu ba kiKatolika, umwe mubagile ukwinogona iki, ukuti umwe mukuyoba, “Ikipanga kya Katolika kyo kiyēngōigwe pa Peteri.” Umma ndaga, uswe tukusyāganiāga. “Abēne bāli ni fungulilo. I kipanga kya Katolika kikāli kili ni fungulilo.”

⁴⁴⁵ Unko uswe tusyāganie iki *Peteri* ābōmbīle ukufwana ni fungulilo, muketile, polelo uswe twisakusyāgania. Ili Bāngēli lyāyōbīle, kwa Peteri na kwa bōsa abangi ba batumigwa, “Būka umwe nkīsu kyōsa ikyāpasi. Aligwesa uyu imbībi syāke mukuhobokela, ku bēne isyēne sihobokelīgwe. Aligwesa uyu imbībi syāke umwe mukuyōnga, ku bēne isyēne sikyūngīgwe.” Ikyo, une mbagīle ukuyoba ikyēne ukuti. . . Yumo abagile ukusita kupilikisya iki une ngusanusya. Yeso alinkuyoba ku batumigwa, “Aligwesa imbībi syāke umwe mukuhobokela, une nisakubahobokela abēne nīne. Kangi aligwēsa imbībi syābo umwe mutikuhobokela, nukukolelela isyēne ukulwana na bēne, Une ngwisakukolelelāga iyene ukulwana na bene nīne.” Ikyo kyo iki Yeso aayobile.

⁴⁴⁶ Kētēsya ukugūta kwa kipānga kya Katolika ku ikyo.

⁴⁴⁷ Loli unko tusyāganie mumo abene baabombile ikyene. Polelo linga uswe tukwaga mumo abene baabombile ikyene, polelo uswe tubagile ukubomba ikyene injila yilayila. Lilino unko uswe tusyaganie.

448 Ilyēne lyo Lisiku lya Pentekosti. I Kipanga kikwālígwa. Abēne bōsa bāli nkyūmba ikyapamwanya. Abanyāmbála balinkusōka ukufuma mula, bikuyoba mu ndimi ingindanekindane. Fiki? Injobelo yiliyōsa pāsi pa ku Mwanya yālimililígwe pala. Ikingereza kyālipo pala, kyōpe. Injobelo yiliyōsa pāsi pa ku Mwānya yafimbililígwa ukuyapo pala, injobelo iyi ugwe gwāyobága mu lisiku lila. Ikukīndilila nkyēne apa nukupa nyīngi isya njobelo, kangī mūmo aba Krete na bahesya, kangī abingisígwe kipanga ba Roma, kangī—kangī—kangī abaArabia, kangī bōsa ukuyoba kangī unkunkwe-... Lilino, abēne bakāyobaga mu njobelo insitakumanyigwa. Abēne bāyobága mu njobelo iyakumanyigwa, ku bāndu. Komma ululimi ulusitakimanyigwa, lōli injobelo iyi aligwesa gwa bēne bapilikisyaga. Untulwanongwa, unsitakwitika, ābagāle ukupilika ikubule mu njobelo yītu mūmo fikuti—fikuti uswe twāpāpiligwēmo?”

449 Lilino kētésya. Lilino ililālúsyo likwīsa. Lilino, “Abāngi balinkūgīla.” Ilinandi lya 12, umma ndaga.

Kangi abēne bōsa balinkuswīga, kangī... mu kwilāmwa, bikuyoba yumo ku nnīne, Ngimba iki kikusanusya fiki?

Abangi balinkūgīla kangī balinkuyoba, Aba... bikwīte ubwalwa ubupya.

450 Abēne bābūgilága abēne. Panongwa yakuti, ngimba abēne babōmbága bulebule? Abēne bapepelukaga ngati banyāmbála abagāle, ngati banyāmbala abagāle. Bikuyoba, kisita kumanya ifi abēne bayobaga, lōli abēne bālumbililága ku kilūndílo mu njobelo abēne bakāsíménye, lōli ikilundilo kyāménye. Muketile? Umma ndaga.

Abangi... balinkuti, Abēne bo bīsusígwe nu bwālwa ubupya, kēta mūmo abēne bikubōmbela.

Abangi balinkūgīla, bikuyoba, Aba... bo bīsusígwe nu...

“Lōli Peteri...” Kētésya mōsa, ndumiana! Ugwe guli ni fingulilo.

Lōli Peteri, bo imile na kalongo na yumo bala, alinkufyūsya ilisyu lyāke, kangī alinkuyoba ku bēne,...

Lilino, kumbukilaga, ulu lo lwālo ulwakwānda lwa Kipānga.

... Umwe banyāmbala ba Yudai, kangī... umwe mwe mukwītūgāsya mu Yerusalemu, kili manyigwága iki kwa umwe, kangī pilikisyaga ku masyu gāngu.

Kabuno aba bakaya bagāle mma, mūmo umwe mukwinogonela, namanga ukwēne ko lōli isala ya butatu iya lisiku.

Mbwangalilo mwākāli nukwigulígwa akabalilo kala. Muketile?

Lōli iki kyo kila iki kyāyobígwe po na yu nsololi Yoeli;

. . . ikyēne kisakuyaga kīsile mmasiku ga bumalikisyo, ikuyoba Kyāla, Une nisakōnelela u Mbepo gwāngu pa mbili guligōsa: pa banabalumiana binu kangi. . . banabalindwana, kangi abēne bisakusololága, kangi abanyāmbala binu abakeke bisakukētága imboniboni, kangi abanyāmbala bīnu abakāngále bisakugogwága injosi:

Kangi pa bāmbombo bāngu kangi. . . abāmbombo bāngu abakīkulu Une nisakōnelelága mōsa mmasiku gala u Mbepo gwāngu; . . . abēne bisakusololága:

Kangi une nisakunāngisya ifiswīgo mmwanya pamwanya, kangi ifimanyilo nkati nkīsu pāsī; . . .

Lilino, umwēne yo Peteri ikulūmbulíla lilino, yūyo uyu ali ni fungililo.

. . . ililopa, . . . umoto, . . . imyuyi ya lyōsi:

Iisuba lisakusanusigwa ukuya ngīsi, . . . u mwēsi ukuya lilopa, bo likāli i lisiku ilikulumba kangi iliboneke ilya Ntwa lisa kwisa:

Kangi ukwēne kwisa kuyaga kwīsile, ukuti aligwēsa uyu isakukōlēla pa ngamu ya Ntwa isakupokigwaga.

Umwe banyāmbála ba Israeli, pilika amasyu aga; Yeso gwa Nazareti, u nnyāmbála uyu āsīsimikisígwe na Kyāla pakati pa umwe ni fika kangi ifiswīgo ni fimanyilo, ifi umwēne ābōmbíle. . . nkati myīnu. . . umwe mwībēne. . . mumenye:

Yoba isya kukemeligwa? Umwēne āli ni fifungulilo, umwe mumenye. Yaga . . .

Umwēne, ukutwāligwa na kibunganio ikyamataki kangi u bumanyila ngāni bwa Kyāla, . . .

Mwaketa lelo umwe. Ngimba Umwēne abagile bulebule ukutwāligwa? Panongwa yakuti Kyāla ābīkīle ngāni ikyēne ukuya injila yila. Muketile? Ukumanyila-ngāni kwa Kyāla!

⁴⁵¹ [Nkundwe ikuyoba, “Twitēndekīsye?”—Nsimbi.] Itolo pakabalilo kanandi. Babūla abēne, itolo kolelela itolo mu miniti, mpaka une mmalīsye ni Lisimbo.

. . . umwe mwēgile, na maboko amabībi, mukomelile nukugoga:

Uyu Kyāla afyūsīsye mmwanya, kangi ābwīle ububabe bwa bufwe: panongwa yakuti ikyēne kikābagile. . . umwēne afīmbilīsígwege ukukolelelígwe nu bwēne.

Kabuno Davidi āyobīle ukufwana nu mwēne, Une nālīmbwēne u Ntwa akabalilo kōsa . . . pa kiboko kyāngu ikitalusye, kangī une ndisa kugutigwamo:

Polelo indumbula yāngu yilikunkusāngaluka, kangī ululimi lwāngu lwātēndekigwe ukuya lwalusekelo; ukongelelapo . . . umbili gwāngu gwisakūtūsyā ndusekelo:

Panongwa yakuti ugwe utisa kuguleka umoyo gwangu mu gehena, somma ugwe ukwitikisya u Mwikemo Yula ugwāko ukuketa ububole.

Ugwe gutēndike une ukufumuka . . . isyāngu—isyāngu injila, isyāngu injila sya būmi; ugwe kwisa kutēndēka une ukuya mwisule nu busangalufu kangī ni kyāngu kisyo.

Banyāmbāla na bakundwe, unko une nubwabuke njobe kwa umwe isya tāta Davii, . . . umwēne yo afwīle kangī asyīlīgwe, kangī ilipūmba lyāke lili na uswe . . . ilisiku ili.

Polelo ukuya nsololi, nukumanya ukuti Kyāla afīngīle nu lufīngo . . .

Une itolo mmalīsīsyē ukulūmbilīla ikyēne.

. . . ukuti ukufwana—ukufwana ni fipaso fya nduyungu lwāke, umwēne angali . . . ukufwana nu mbili, umwēne angali ikusumusya mmwanya Kristi ukwītugasya pa kikota kyāke;

Itolo iki une namalīsīyāga ukulūmbilīla. Peteri ikulūmbilīla ikindu kilakila.

Kangī ukukēta iki pabutasi (U nsololi akibwēne ikyēne pabutasi.) āyobīle isya busyūke bwa Kristi, ukuti u moyo gwāke gukālekīgwe mu gehena, kangī mma umbili gwāke gwākētīle ububole.

Uyu Yeso yo Kyāla asyūsīsyē mmwanya, ku iki uswe twēsa twe bakēti.

Polelo ukuya mfyūsīgwe mmwanya, kangī ukuya ku kiboko ikitalusye . . . ukuya ku kiboko ikitalusye, afyūsīgwe mmwanya, bo ambulilīgwe na Tāta . . . ulufīngo lwa Mbepo Mwikemo, umwēne . . . alyōnīle panja ili, iki umwe naloli kukēta kangī mukupilika.

Kabuno u Davidi akafyūka mmwanya mma, (u nsololi): lōli umwēne alinkuyōba mwēne, U Ntwa āyobīle kwa Ntwa gwāngu, Itūgāsya ugwe ku kibokoko kyāngu ikitalusye,

Mpaka Une ngupela abalugu bāko ukuya kyakukanyapo.

Polelo (pilikisya iki) unko i nyumba yōsa ya Israeli yimanye naloliloli, ukuti Kyāla ātēndike u Yeso yuyuyu uyu, uyu umwe. . .mwakomelile, fyosa-fibili Ntwa na Kristi.

Ikyo kikufimbilisigwa ukusengama, bule ikyēne?

Lilino akabalilo kāko abēne bāpilike iki, abatulanongwa bala, abēne balasigwe mu ndumbula syābo, nukuyoba kwa Peteri. . .Banyāmbala. . .kangi Peteri na. . .bāngi. . .abatūmīgwa, Banyāmbala na bakundwe, ngima uswe twisakubōmbaga fiki?

⁴⁵² Umma ndaga. Mwaketa lelo umwe. Ngimba umwēne ali na fiki? I fungulilo, i fungulilo ku Kitāngalāla. Kili kūgu i Kitāngalāla? Ikyene kili mwa ugwe. Uko ko kutalusya? U Mbepo Mwikemo yo Kitāngalāla kya Kyala. Uswe tumēnye ikyēne. Uswe tupāpigwe mu Kitāngalāla, ukuya bapilikila kangi bimilili. Kēta. Umwene ali ni fūngūlo ku lubafu lwake. “Ngima fyo fiki ugwe kubōmbāga ni kyene?” Aka ko kabalilo kākwānda ikifigo kyāliguligwēmo siku.

⁴⁵³ Lilino, ililālúsyo likulālúsígwa undumbilili, ku kabalilo kākwānda, yūyo ali ni fūngulílo. Une ngwitika linga umwēne āyobíle, “Ima pa ntu gwāko,” ikyo angali lo lulagilo.

⁴⁵⁴ “Kilikosya iki ugwe kupinya pa kisu, Une nisakupinyāga mMwanya.” Umma ndaga. “Kilikyōsa iki ugwe kuyoba, Une nguyaga pakuyoba ikindu kilakila. Ugwe ulinalyo ifungulilo.” Umma ndaga. Umwēne ikwīngisya ifūngulilo nkifigo.

. . .Ngimba ugwe kubōmbāga fiki? Banyāmbála na bakūndwe, ngimba uswe twisakubōmbāga fiki?

Lilino akabalilo kāko abēne bāpilike iki, abēne bo balāsígwe mu ndumbula syābo, nukuyoba. . . Banyāmbala na bakundwe, . . .

. . .Peteri alinkuyoba ku bēne, Pinduka, kangi yaga bōsígwe aligwesa gwa umwe mu ngamu ya Yeso Kristi kubōmole bwa butulanongwa, kangi umwe mwisakwāmbililāga ikikungilwa kya Mbepo Mwikemo.

Kabuno ulufingo lo luli kwa umwe, kangi ku bāna bīnu kangi ku bala bābo bali kubutali kula, bope na bābīngi mūmo u Ntwa u Kyāla gwītu isakukōlelāga.

Ikyo kikumasya amatati kwabwilanabwila. Nayumo umūndu siku, nkabalilo kalikōsa, abagilēmo siku, nasiku ukulwana na Ikyo.

⁴⁵⁵ Ikipanga kya Katolika kikwīsa mula, mbuyo bwa kuyubikīgwa, abēne bikunyāfila. Mbuyo bwa kuya ukubōmbéla i Ngamu ya Yeso, abēne bālyēgíle, “Tāta, Mwanundumiana, na Mbepo Mwikemo.” Nasiku kyamanyisigwēmo mu li Bāngéli.

⁴⁵⁶ Umundu aligwesa, ukufuma akabalilo kalikosa aka, ālyōsīgwe ukwisila mu kuyubikīgwa mu Ngamu ya Yeso Kristi. Kangi bamo bāyubikīgwe na Yohani u Mōsi, uyu ālyōsīsyē Yeso, kangi Pauli ababulile abene ukuti abene bakābagile ukwambilila u Mbepo Mwikemo bo ulo. Abēne bāfimbilisīgwe ukugomokela nu kōsīgwa-kangi, kangi, mu Ngamu ya Yeso, bo abēne bakāli ukwāmbilila Mbepo Mwikemo. Balinga bamenye ikyo kyo Lisimbo? Imbombo, untu gwa 19. Mwaketa lelo umwe. Nongwa yakuti, i Kitāngalāla kya ku Mwanya kya fungiligwe ku njila yiliyōsa iyingi, ukwisila mu lufīngo ukwisila mwa Yeso Kristi, ukuti ikyo kikuyaga kytikisīgwe mMwanya.

. . . Pinduka, kangi yaga bōsīgwe aligwesa gwa umwe mu ngamu ya Yeso Kristi kubōmole bwa mbībi syīnu, . . . umwe mwisakwāmbililāga ikikūngilwa kya Mbepo Mwikemo.


Panongwa yakuti, *ulufingo luli kwa umwe, kangi ku bana binu, . . . ku bala bābo bali kubutali fiyo, kōpe na ku babīngi na mūmu u Ntwa gwītu Kyāla isakukōlélāga.*

Ameni. Unko uswe twipute.

⁴⁵⁷ Tāta Kyāla, ikilo iki, ifyinja abamia kalongo na bahana na bana kangi ukongelélāpo fimo ifi fikīndile, pōpe ubwanalolindumbula nu bumobwene bwa ndumbula ya mūndu fikāli fikulililā kwa Kyāla, ngati bāna bikulililā ulupyu lwa mabele ga mama gwābo. Uswe tukuganile Ugwe, Ntwa. Uswe tukabagila ukuya būmi kisita Ugwe. Bo mūmo Davidi āyobīle, “Umoyo gwāngu gūmililwe kwa Ugwe, bo yo mbabala panongwa ya kisoko kya mīsi.” Umwēne ikufimbilisīgwa ukuya nakyo lkyēne, pamo ikufwaga.

⁴⁵⁸ Kangi, Tāta, uswe tupesile ukukīnda mu Masimbo, kunyuma na nakyēni. Kisita ukuya bakukīndana, lōli uswe tukukēta iseminale isi, abafundigwa ba bufundakyala aba umwīsyūgu, aba bikulūmbililā ukufwana ni ndagilo sya bāndu, kangi komma indagilo sya Kyāla. Polelo, Ntwa, uswe tutikubūgila abanyāmbāla bala mma, lōli uswe tukūgila ifindu fila ifi abēne bikumanyisya. Polelo, Ntwa, uswe tukusuma ukuti abene baliyaga nkundwe gwitu. Uswe tukusuma ukuti Ugwe kubaswaga abene ubusōbi bwābo. Kangi uswe tukusuma ukuti abēne bikwīsāga ku Lisimbo, ukubala Ilyēne, komma mūmo iseminale yimo yikumanyisila Ilyēne mma, lōli ukufwana ni njila iyi Kyāla asīmbīle Ilyēne.

⁴⁵⁹ Uswe tukusuma, Kyāla, lilino, ukuti abītendekesye aba bābo bikwīsa ikilo iki ku lōsyo lwa mmīsi, bo yu ntimi gwītu unkifu ikusegelēla kuno ku kigemo ukufuma kuno, ukulūmbililā i Nongwainunu, i Nongwainunu yiyiyi, kangi polelo ukubūka ku kitubwi kya lōsyo, ukusyīla, tupaga, Ntwa, ukuti aligwesa gwa bene aba bikwāmbililāga u Mbepo Mwikemo, panongwa yakuti Ugwe gupele ulufingo, “Umwe mwisakwāmbililāga u Mbepo

Mwikemo.” Aligūlaga u Mbepo gwa Kyāla pamwanya pa mīsi, ukwāmbilila umwītendekesye ikilo iki, kabuno uswe tukubabīka abēne mmaboko Gāko, mu Ngamu ya Yeso Kristi. Ameni. 

57-0922E Bahiburi, Untu Gwabuhano-Na-Bubili #2
Kitembe Kya Branham
Jeffersonville, Indiana U.S.A.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegelelakwegelela

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org